

Dibohindi Hoafi Weindahifembo Hoaf-ane

Hoafi God ai Sonimbo weindahimareandi

Boatei hoafi

1 ¹ Hoafi nda dibo mengoro-ane, nga Sisas Krais ai weindahimareandi. God ai ahandi ratupuriyei-rihundeimbi ranaheimbo nini-moatükuni nimehinou tükufemboayo nafuimbiyundüri yahuhaya Sisas Kraisimbo nafuimayundo. Rani-moatükuni ra sünambeahindi nendi ai Kraisindi ratupuriyu-randeimbi Son, wambo sowana koariheira kusü weindahi-mareandi. ² Raniyo asu Son ro nini-moatükuniyo hoeimariheandi ranahambo anihondümbo hoafimayahi. Rani-moatükuni ra Godindi hoafimayo-wamboyo asu Sisas Krais ai ranahambo anihondümbo hoafimayu. ³ Nindou ai nini-moatükuni sünguna tükufemboayo hoafi nda nindou bidifiri-yei himboahü ritimira arandi aiana hihifi-hihifimbiyu-wamboane. Asu nindou didiyei ai ndani hoafi sürü papimarandi ranahambo himbori-yei hehi sünguarihindi ai hihifi-hihifimbeyei-amboane. Nini-moatükuniyo tükufemboayo si ra ngiri amitata tükündifeyo.

Kraisindi nendi 7-ngoafümbi amarei aheimboane hoafi nda

⁴ Ro Son-anahi nda, ro 7-ngoafümbi Kraisindi nendi Esia hifambe amarei siheimbo sürü nda paparihandi.

God haponda anüngu, horombo hondü manüngu, asu süngunambo niᅅgomboayu ranani, asu yifiafi 7 ranai ahandi adükari bogorindi nimari-fondi hanᅅifoani amarei, asu Sisas Krais aiane siheimbo moani hipoambo-ndihindürühi ngusüfoambe afurife kifimbi hohoanimo mbisahü-ndüramboane. ⁵ Sisas Krais-ana ai ndore anihondümbo weindahi

hoafiyu-randeimb-ani. Ai boatei yifihündi botifi haya, asu ai munꝓambo moatükuni hifi ndanihü bogorimboyahi ninouayei ranahei adükari bogor-ani. Sapo Sisas aiyu sihefimbo moani hipoambo-reamunühi ahandi hori ranambo moaruwai-ambeahindi aboedambo-mareamuni.

⁶Raniyu sihefimbo, God ahandi afindi ranahandifihi didibafife-rambohünda adükari bogorimbore hiniꝓgi-mareamuni. Sisas Kraiss aiana ndüri adükarümbindu haya koadürümbo-koadürümbo ŋginindimbiyu-wamboane. Ŋga anihond-ane!

⁷Awi se himboriyei! Ai ŋgiri amitata mburüꝓgai bitapinde haya kudu.

Ŋga asu munꝓambo nindou ai hoeindi-horimboyei.

Asu yifarinambo wafusimaründümo nindou amboa hoeindü-wurimboemo.

Asu ahambo süꝓguna mungua hifinindi siri amboa arani-hoafindeimboyei.

Yini, ndani-moatükuni ra tükündifemboe. Ŋga anihond-ane.

⁸God Adükari ai hoafiyuhü yahuya, “Roanahi horombodidiya asu süꝓgudidiya arihandi. Roanahi haponda animboahi, horombo manimboahi asu süꝓguna nimboamboyahi. Asu ro ŋginindi hamindi hond-anahi,” mehu.

Son ai Kraissimbo hoeimariri

⁹Ro sihei wandafi Son-anahi. Ro se-babidimbo niꝓgombo asübusi Sisas-dibo asahümündi ra semindi mburümbo God ŋginindi hifandarandi ranambe niꝓgomboanahi. Sihiri munꝓambo nine tiꝓirifo afindi tükefeyo ra mamü hiniꝓgirom nimboefimbo sahumindefüh-aneffi. Ro Godindi hoafi asu hoafi Sisas weindahi-mareandi ra bokamari-heheandamboyei wambo hemafoari-hindira asu ro ha airan Patmos-wami manimboahi.

¹⁰Adükarindi si ra tüküfehüyo asu Yifiafi Aboedi wandi fiambe ŋginindi tüküfehüyo asu wandi daboadani himboriyahane nindou mamü hoafimayu ra fufuꝓi nahurai puküna hoafimayu. ¹¹Ai yare hoafiyuhü yahuya, “Nini-moatükuniyo hoeiaro-wandi ra se bukambe süürü papinda mbunda 7 ŋgoafümbi Kraissindi nendi amarei aheimbo sowana koandihoeffi. Ŋgoafi ranana Efesus, Smerna, Pergamam, Taiataira, Sardis, Firadefia asu Raodisia-anei,” mehu.

¹²Raniyahü asu nindou düdi wambo hoafimayu ranahambo hoeifimbo sahehea, hihiriyahe hoeiriheandane gorinambo nafümbi ram nindife fondi 7 ranai maningomonda hoeimaritheapuri. ¹³Raniyo asu nindou mamü ram nindife fondi rani mbusümo manüꝓgu. Aiana Nindou Hondü nahurayü. Raniyu ai hoandari hoeari güdeandani hani tiꝓari gabudi-mafoareandamboyu asu gorinambo nafümbi ret nahurai ahandi misindi-hamindihü hühire haya manüꝓgu. ¹⁴Ahandi mbiro asu mbirinani ana kayahi ninendi kifohayo asu sünü kifohi nahurai hamindimayo.

Raniyo asu ahandi himboari ranai hai imami nahuraimayo. ¹⁵Ahandi tiñari ana ain hai adükarambe mandife mburimbo himboamupuimbo-arandi rahurai hamindiyo makiaro. Raniyo asu ro ahandi hoafi ra himboriyahani sapo hoe hohoambuyo haya aho nahurai fumayo. ¹⁶Asu ai mupui 7 ra warihondü warani waramberamündü haya manüngu. Asu ami-yomondi pisao ra yiboboani yihümindiyoye-weimbi yihümindiyohamindi ranai ahandi yahamonindi moanambühi tükife mbumarandi. Asu ahandi ngusümboari ranana sapo hüfinimbo hüfihamindi si boakafoareandi nahurai hamindi simayo.

¹⁷Raniyahi hoerihinihünda asu ahandi yirikimi yifi nahurai pimayahi. Raniyu asu ai ahandi wari-hondü wari ra wandiwami nande mbura hoafiyuhü yahuya, “Awi se yihimbo-ndamboyafi. Roana weangurühi-didi hondüya asu süngu-didi hondüya-rihandeimb-anahi. ¹⁸Asu ro yanggiri nda animboahi. Horombo yifimayahisi, nga se himboyafi, roana haponda yanggiri koadürümbo-koadürümbo animboahi. Ran-anahi asu ro Yifiyoramboane asu yifiafi ngoafi yipuri ra hifandarihandi. ¹⁹Ranimboane awi nine-moatükuni hoeimarowandi asu haponda tükefeyo-ane asu sünguna tüküfemboayo ra se sürü papindandi. ²⁰Sapo se hoeimarowandi mupui 7 asu gorinambo nafümbi ram nindife fondi 7 wandi wari-hondü warani ranana dibohindi hoafi megoro-ane. Ranahandi nimindi ra ndahurai-ane: Mupui 7 ranana Kraisindi nendi-yei sünambeahindi nendi 7-anemo. Ram nimindi 7 ranana Kraisind nendi 7-anei,” mehu.

Kraisindi nendi Efesus ngoafihü amarei aheimbo hoafi aho

2 ¹Nindou ranai hoafiyuhü yahuya, “Sünambeahindi nendi Kraisindi nendimbo Efesus ngoafihü hifandarandüri ranahambo sürü papindandi.

Nindou mami ai mupui 7 ahandi wari-hondü warani semündü haya gorinambo nafümbi ram nindife fondi 7 rani mbusümo hoahoangu wakimareandi ai hoafiyuhü yahuya, ²“Se munguambo moatükuni wamböhünda ratüpuriyei arihünda ra ro fifirihea-mboanahi. Asu ambe yaho yiboaruko-yiboarukofihü hiniñgifekeate tiñirifoyeihi ratüpuriyei arihünda. Seana moai nindou moaruwai ranaheimbo sihei mbusümo niñgombo yifiriyei. Nindou ai hoafiyomondühiya, “Ro-amboa Kraisindi hoafi sahumindefi hefi-rihundeimb-anehi,” mehomo, nga anihondü ana wani, se ranahamumbo yibobori-hipurühi fifirihindi ra ai tikai hoafümbi nindou yanggir-anemo. ³Ngga seana ambe sei hehi ngginindi nimboeimbo asu wandi süngu tiñirifo ra sahümünda hehi tiñirifoyeihi moai wambo süngufembo ra hiniñgirihihi.

⁴Ngga sihafi hoafi akidou engoro. Se weangurühi wambo ngusüfo pamarowandiri, nga haponda hiniñgi-marowandiri. ⁵Se aboedi hohoanimo hiniñgifekeate-yafambe manimbafi ra nahurai

hohoanimondafi. Iᅇga asu hapondani ana se moaruwai hohoanimo hiniᅇgiro hawa horombo weaᅇgurühi süᅇgumarowandi nou süᅇgundandi. Asu se sihafi hohoanimo ra ᅇgorü-süᅇgufekoate-ayafi ana, asu ro tükündahe sihambo tiᅇjirifo ndahaniniᅇhi sihafi ram nindife fondi ra raguanambo-ndiheamboyaᅇhi. ⁶Awi aboedi hohoanimo ranana sihafi fiambe nimarimboane: Asu ranane Nikorasindi sirihüᅇdi nindou ranaᅇhi hohoanimo ranahambo yiboarukoro hafi arandi. Ro-amboani aᅇhi hohoanimo ranahambo ana yiboaruko-riᅇandühanahi.

⁷Nindou ai himboambe-mbindühi ana, awi ai moani himbo yaᅇgiri kümbireandamboane, sapo Godindi Yifiafi Aboedi ranai Kraisindi nendambo hoafendüri ranahambo! Nindou ai yifiarüyu taborarihoayu ana, nimi nindoumbo yaᅇgiri senda nimboei-riᅇhüᅇdeimbi ranahandambo sesi yimai mbisaha, ndemüdümbui. Nimi ranana Godindi nümbürambe-ane aniᅇgo,’ ” mehu.

Kraisindi nendi Smerna ᅇgoafihü amarei aᅇimbo hoafi aho

⁸Nindou ranai hoafiyuhü yahuya, “Sünambeahindi nendi Kraisindi nendambo Smerna ᅇgoafihü hifandarandüri ahambo süᅇrü papindandi.

Nindou düdi ai weaᅇgurühididi asu süᅇgudidi yifüyu haya asüakai yaᅇgiri anüᅇgu, ai ndare hoafiyuhü yahuya, ⁹‘Ro fifiriᅇandi siᅇhi tiᅇjirifo afindi asu napokoate-ayeᅇ ra, ᅇga se müᅇguna napo afiᅇdeimbi hond-aneᅇ! Ro fifiriᅇandi nindou bodimondi ai siᅇimbo hoafi moaruwai hoafimehüdüri ra. Ai hoafiyeiᅇhi seiya, “Roana Sudaᅇhünd-aneᅇfi,” maseᅇ, ᅇga aiana Suda hondüyeipoani. Aiana Satanindi nendi yaᅇgir-aneᅇ. ¹⁰Nine asübusi ndeara akimi hamindi siᅇimbo tüküfemboayo ranahambo se yowani yihimboyopoani. Himboriyei! Satan ai bidifiri siᅇimbo refe hoeifendüri-mbohündambo karabusi-ndearümbui. Asu 10 si se afindi tiᅇjirifo-ndeimboyeᅇ. Iᅇga se aniᅇhondümbondiᅇhi ᅇgeimbo yifayeᅇ amboani ro yaᅇgiri niᅇgombo hohoanimo ᅇginindi napo nahurai ndahandürimboyaᅇhi.

¹¹Nindou ai himboambembindühi ana, awi ai moani himbo yaᅇgiri kümbireand-amboane sapo Yifiafi Aboedi ranai Kraisindi nendambo hoafayondüri ranahambo. Nindou didiyei yifiarüyeᅇ taboriᅇhehi-riᅇhüᅇdeimbi aᅇimbo ana ᅇgiri asükaiyo yifimboayo ranambo moaruwaimbo-ndeandüri,’ ” mehu.

Kraisindi nendi Pergamum ᅇgoafihü amarei aᅇimbo hoafi aho

¹²Nindou ranai hoafiyuhü yahuya, “Sünambeahindi nendi Kraisindi nendambo Pergamum ᅇgoafihü hifandarandüri ahambo süᅇrü papindandi:

Nindou mami ami-yomondi pisao yiboboani yihümüᅇdeimbi masemüᅇdu ranai ndare hoafiyuhü yahuya, ¹³‘Ro nahi se nimboei ariᅇhüᅇdi ra fifiriᅇ-amboanahi. Iᅇgoafi ra sapo Satan ai ahandi ᅇginindi

hifandarandi ranihü. Ŋga seana, wandi ndüri ranahambo kikihisafi-randifimbo-anafi. Horombo Antipas ai wandi ndüri ranahambo weindahire-randeimbi manüngu asu moani wandi hoafi rani yangiri hamindi süngumare hu. Raniyo asu sapo Satan ai nimarü ngoafihü ranihü sihei mbusümo ahambo hifokoamarihora yifimayusi, Ŋga rani-simboani se moai sihei anihondümböfe ra dibonapirihindi.

¹⁴Ŋga awi ro siheimbo hoafiyondürimbo hoafi akidou mbegori. Awi sehüdi bidifiri aiana Beramindi hohoanimo ra ŋginindi kikihiri-hümündimboanei. Ai Berakimbo yamundimarira asu Berak ai Israerimbo moaruwai hohoanimo nafuimendüra süngurihindühi tikai godimbo sesi sihefeimbihüdi sahüsi marihüdi. Asu nindowenihi ai nimorehi sisihimoyomo asu nimorehi ai nindowenihi birabiriyei marihüdi. ¹⁵Rahurai sehüdi nindou amboa bidifiri Nikorasindi yamundife süngurihi-rihündeimb-anei. ¹⁶Ranimbo-hündambo-animbo awi sihei moaruwai hohoanimo hiniŋgindihi hehi aboedi hohoanimo süngundihindi. Asu se refekoate-aye ana, ro nimehünou siheimbo-so dügümbo rani-babidimbo wandi yahamo pisao yihümindü tüküfe aniŋgo ranambo yifiari-ndamboyahi.

¹⁷Nindou ai himboambe-mbindühi ana, awi ai moani himbo yangiri kümbireand-amboane sapo Yifiafi Aboedi ranai Kraisindi nendambo hoafendüri ranahambo. Nindou düdi ai yifiari ra titaboara-foareandi ana, nindou ranahambo sünambeahindi sesi bidifiri, ahandi ndüri mana, dibo eŋgoro ra ndahandomboyahi. Asükainda ro nimoei kifohi ndüri simbori peniŋgoweimbi ahambo ndahandomboyahi. Nimoei kifohi ranifihi ndüri apaiaro ra nindou mami ai-amboani ŋgiri fifirindeandi, Ŋga nindou sapo düdi ndüri asemündu ranai yangir-animbo fifirindeambui,' ” mehu.

Kraisindi nendi Taiataira ŋgoafihü amarei aheimbo hoafi aho

¹⁸Nindou ranai hoafiyuhü yahuya, “Sünambeahindi nendi Kraisindi nendambo Taiataira ŋgoafihü hifandarandüri ahambo sürü papindandi:

Godindi nimori, nindou düdi ai ahandi himboari hai imami nahurai asu ahandi tiŋari ain hai adükarambe mandife mburimbo himboamupuimbo-arandi nahurai, ai ndare hoafiyuhü yahuya, ¹⁹‘Se nini-moatükuniyo ratüpuriyafi arandi ra ro fifiriheamboanahi. Sihafi hipoambofe hohoanimo, anihondümböfe hohoanimo, fehefe hohoanimo, asu sihambo tiŋirifo tüküfeyoani moan-ane yahoe fe niŋgo hohoanimo ra ro fifiriheandi. Se horombo ratüpurimayafi ranahambo ŋgasünde haya haponda afindi hamindi ratüpur-ayafi ranahambo ro fifiriheandi.

²⁰Ŋga ro sihambo ndanahambo hoafi akidou eŋgoro. Asu se Seseberimbo nimesi safühi hiniŋgimarowanda tikai yamundife ra yamunde wakimareandi. Ai hoafiyohü yahoya, ‘Roana Godindi hoafi hoafiya-rihandeimb-anahi,’ meho. Ŋga ai wandi ratüpuriyeyi-

rihüdeimbimbo tikare-haya yamundimareandüra nimorehi sisihimoyei asu nindowenihi birabiriyei asu tikai godimbo sesi sihefeimbihüdi sahüsi marihüdi. ²¹Rananimbo ahandi moaruwai hamindi hohoanimo ra hiniŋgire haya hihirife aboedi hohoanimombeyo sahehea afindi si rarihe hiniŋgimari-heandiyosi, ŋga asu ai ahandi rani hohoanimo ra daboadanambo-fembo moei meho. ²²Awi nimorehi ranahambo ro tiŋjirifo semindirambo fondi rani wami pindiheamboyah! Asu nindou didiyomo ai-babidi nimorehi sisihimoyomo marundi amboa hifi ndanihünda moaruwai hohoanimo ra hiniŋgife-koateayomo ana, afindi hamindi tiŋjirifo ndowandümbomo. ²³Ro ahambo süngurihi-ndeimbimbo amboa hifokoako-boadihearümboyahi. Rananimbo asu muŋguambo Kraisindi nendi ai wambo animboya, Nindou aiana ŋgusüfoambe asu hohoanimo ambe türüfoare fifireandeimb-ani. Asu mamami nindou se moaruwai hohoanimomayei ranahambo simbori tiŋjirifo ndahandürimboyahi.

²⁴Taiataira ŋgoafihüdi seana moai ahandi yamundife rani süngurihi rihüdi. Asu ro fifiriheandi, seana moai Satanindi hoafi dibohindi hohoanimo asefira fifirihindi. Ro hoafehandüri, siheimbo ŋgorü tiŋjirifo ra ŋgiri siheiwami ana nandiheandüri. ²⁵Ŋga se muŋguambo hohoanimo masahümüdi ra ŋginindi kikihisafi ndühümüdi nimboei ŋgeiananimbo ro tükündaheamboane.

²⁶Nindou düdi ai yifiariyu humbo titaboarifoare haya asu ro hohoanimoayah rani-süngu yaŋgiri süngura humbo bidifiranimo ana, nindou ranahambo ŋginindi ndahandomboyahi wandi Ape wambo masendi nou. Rananimbo asu nindou ranai muŋguambo nindou hifi ndanihü animboei ranaheimbo hibadarümbui.

²⁷Ai ŋginindi hamindi nüŋgumbo yikamuninambo hibadarümbui.

Asu rananimbo aheimbo harindundürani hipiri hifinambo nafümbi nahurai boborindeambui. *Buk Song 2:9*

²⁸Asu ai ŋgasüdi-mareandindüri rani nafuimbohünda ro ahambo botiboti ndahandomboyahi. ²⁹Nindou ai himboambembündühü ana, awi ai moani himbo yaŋgiri kümbireand-amboane, sapo Yifiafi Aboedi ranai Kraisindi nendambo hoafendüri ranahambo!’ ” mehu.

Kraisindi nendi Sardis ŋgoafihü amarei ranaheimbo hoafi aho

3 ¹Nindou ra asükaiyu hoafiyuhü yahuya, “Sünambeahindi nendi Kraisindi nendambo Sardis ŋgoafihü hifandarandüri ahambo sürü papindandi:

Nindou mami ai yifiafi 7 asu mupui 7 semünduweimbi-mayu ai ndare hoafiyuhü yahuya, ‘Ro sihambo se nine ratüपुरi rawarowandi ranahambo fifiriheandi. Nindou ai hoafiyehi seiya, “Seana yaŋgiri animbafi,” maseisi, ŋga anihondü ana se muŋguna yifiyafi-mboanaf. ²Se himboari birihoe! Sihafi anihondümbofe hohoanimo ra moendikoate-

yoambe nginindi nimbafimbo kikihisafi-ndandifi. Iga ro hoeiriheandani se nini-moatükuniyo rawarowandi ranana wandi Godindi himboahü awi aboedi ndorihoeimbi hamindi-yopoani. ³Se nini-moatükuniyo himboriyafi mbura asu masowandifi ra mitaninda-ndimboyafi. Iga himborindafi mbunda asu sihafi moaruwai hohoanimo ra hiningindo hawa asu aboedi hohanimo süngundowandi. Se himboari birihoefi hawa hibadandi, nga ro sihambo sowahi hümbühünümbi nindou nahurai tükündahe-amboyahi asu se ngiri ro tükifemboayahi ra fifirindowandi.

⁴Iga asu Sardis ngoafihü nindou bodimondi ahei hoeari ranana aboedi afisahoyokoate-ane. Asu rananimbo ro-babidi hahabodeihü sapo ai aboedi hamindi wambo kifohi hoeari gudihimboyei. ⁵Nindou düdi ai nginindi semündü haya yifiariyu hu titaboara-foareandi animbo ai nahurai kifohi hoeari güdeambui. Asu ro ngiri yanggiri ningombo bukambe ndüri sürü papimarandi ranambeahindi gogorindi-heheandi. Iga ro wandi ape asu ahandi nendi-yomondi himboahü hoafindahühi animboya, ‘Wand-anei,’ mbisamboayahi. ⁶Nindou ai himboambe-mbindühi ana, awi ai moani himbo yanggiri kümbireand-amboane, sapo Yifiafi Aboedi ranai Kraisindi nendambo hoafendüri ranahambo,’ ” mehu.

Kraisindi nendi Firadefia ngoafihü amarei ranaheimbo hoafi aho

⁷Nindou ra asükaiyu hoafiyuhü yahuya, “Sünambeahindi nendi Kraisindi nendambo Firadefia ngoafihü hifandarandüri ahambo sürü papindandi:

Hoafi ndanana sapo nindou düdi sürühoeimbi hondüyu haya anihondümbo hoafiyu-randeimb-ani. Aiana Adükari Bogori Defitindi-mayo ki semündümboani yipuri ra sübüdhenda asu nindou mamai-amboani ngiri asükaindu pandeandi. Asu ai parareandi ra ngiri ngorü ai sübüdhendi. ⁸Ro se nine-ratüpuri ratüpuriyafi arandi ra fifiriheamboanahi. Asu se ndürikoate-ayafi ra fifiriheandi, nga ro nini-moatükuni mboyo yamundi-mariheanini ra se süngurandihü asu wandi ndüri dükefembo moai amoanngiyafi. ⁹Rani nindou Satanindi rotu worambe mamarei ranai seiya, ‘Roana Sudahünd-ane,’ maseisi, nga aiana anihondü Suda-yeipoan. Aiana tikai hoafümbi nindou yanggir-anei. Ro yandiharani sihafi himboahü tükündahi sihafi yirikimi yirümbo pusindihimboyei, asu ro sihambo hohoanimo-ayahinini ra ai fifindihimboyei. ¹⁰Ro sihambo sahiya, ‘Tiñirifo sihambo tükündifeyoani se moan-ane mbisafi nginindi nimbafi,’ masahi. Asu se hoafi ra süngumarowandi. Ranimbo-hündamboanimbo asu ro sihambo hibadihanini-mboyahi tiñirifo nindou muñguambo ndani hifihündi ranaheimbo refe hoeifendürimbo si tükefeyo rani-simboani ra ngiri sihambo tükündifenini.

¹¹Igiri amitata ro sihambo sowana tükündaheandi. Anihondümbofe hohoanimo se kikiharandifi ra awi hiningindo-wamboayafi. Iga

kikihindandifan-animbo asu nindou bodimondi ai sihafi aboedi harihefimbî takini-mayo ra raguanambofe-koatembeyei-amboane. ¹²Nindou düdi sapo yifiariyu titaboari-foareandeimbî-mayu ranahambo ana ro wandî Godindi wori ranambe kambohoani-mbondihini fondihi hiniŋgi-ndihinimboyahi. Asu ai ŋgiri wori ra hiniŋginde haya weindani tükündüfiyu. Asu ro-ahandifihi wandi Godindi ndüri pandihe asu wandi Godindi ŋgoafi adükari simbori Serusarem ranahandi ndüri amboani pandiheamboyahi. Sapo rani ŋgoafi ranai animbo sünambeahindi hifina wandi God sowahindi kodomböe. Ranimbo asu ro-amboani wandi simbori ndüri nindou ahandifihi pandihe hiniŋgi-ndiheamboyahi. ¹³Nindou ai himboambe-mbindühi ana, awi ai himbo-yaŋgiri kümbireand-amboane, sapo Godindi Yifiafi Aboedi ranai Kraisindi nendambo hoafendüri ranahambo, ’ ” mehu.

Kraisindi nendi Raodisia ŋgoafihü amarei aheimbo hoafi aho

¹⁴Nindou ra asükaiyu hoafiyuhü yahuya, “Sünambeahindi nendi Kraisindi nendambo Raodisia ŋgoafihü hifandarandüri ahambo sürü papindandi:

Anihondumbo hoafiyu-randeimbî ai muŋguambo God nafimarandi ranahandi nimindi ra ndare hoafiyuhü yahuya, ¹⁵‘Se nine-ratüpuri ratüpurayafi ra fifirihenini-mboanahi. Asu awi se moai wambo daboadi hihîrowandiri asu moai ŋgusüfo parowandiri. Awi se wambo daboadi hihîrimbaro-wandiriyo asu ŋgusüfo pambarowandiriyo saheheamboyahi. Ŋga se wambo akidou yaŋgiri anihondumbo-rowandiri arandi.

¹⁶Ranimbo-hündambo-animbo asu awi ro sihambo daboadi hihîrindi-heanimboyahi. ¹⁷Nindou se raro hoafiyafühi safiya, ‘Roana kaki afindeimbî nindouya hehea napo afindeimb-anahi. Ranimbo-wambo asu ro moai mami moatükuni napo amboani mbonimbori-hamindihi,’ asafi. Ŋga wani. Se moai nindou wudi niŋgoyafi. Seana nindou moaruwai hamindiyafi himboatihariyafi hawa moani nindou safi yaŋgir-anafi. ¹⁸Awi ro sihambo dibafindiheanini samboanahi. Se napo afindeimbî hondü tüküfemböhönda wandi-mayo gor hondü nda pemindafi. Asu sihafi amoaniŋgümbî safi yaŋgiri fi ranahambo gabudifemböhönda kifohi hoeari amboani pemindafi. Se himboatihar-ayafi ranimbo-hündambo se himboari aboedi asükaiyo himboarimböhönda himboari marasin bidifiri pemindafi.

¹⁹Nindou daboe ro hohoanimo-ayahandüri ranaheimbo ana moaruwaimborihe hoafeyahandürühi asu aheimbo didiboado-riheandürühanahi. Ranimayo-wamboane awi se afindi hohoanimondafühi moaruwai hohoanimo ra hiniŋgindo mbunda aboedi hohoanimomayo ra ndowandifi süngunda ŋgafi. ²⁰Awi se himboriyafi! Ro yipuri-kimi nimboambo pirako-pirako-arihandi. Ŋga asu nindou düdi ai

ro pirako-pirako-arihandi ra himboriyuhü wambo yipuri sübüdarihendiri ana, ro ahandi worambe keboehe ai-dibo sesi dagadihani asu ai-amboa ro-dibo nimandü dedümbui.

²¹ Ro yifiariya titaboari-mafoareandi nindouya heheamboanahi asu hapondani ro wandi Apendi nimarifondi raniwami amarihi. Iḡa nindou düdi ai-amboani yifiariyu titabofoarea-ndeimb-ayu ana, asu ro-dibo yini mbisaha wandi adükari bogorindi nimari-fondi raniwami nimandümbui.

²² Nindou ai himboambe-mbindühi ana, awi ai himbo-yaḡgiri kümbireand-amboane, sapo Godindi Yifiafi Aboedi ranai Kraisindi nendambo hoafendüri ranahambo,' mehu.

Godimbo sünambe heirünambo hihifi-hihifiyeihi kakisao-arihori

4 ¹ Raniyahi rani-simboani hamindi ro yafogoadinambo nahurai sünambe yipuri ranai sübüdirihoai meḡgorowa hoeimariheandi. Raniyo asu himboriyahane wambo hoafi mami horombo fufuḡi nahurai hoafimendiri ranai hoafiyondirühi yahoya, "Awi, se ndühi sühüfan-animbo ro sihambo nine-moatükuniyo süḡḡunambo tüküfemboayo ranahambo hoafindahanini," mehondiri. ² Nimehünou Godindi Yifiafi Aboedi ranai wandi flambefeyowohüyo asu adükari bogorindi nimarifondi sünambe hoeiriheandani, raniwami nindou mami didimbei ranai mamaru. ³ Nindou adükari bogorindi nimarifondi raniwami mamaru ahandi ḡḡusümboari ana yaḡḡirasüfo asu hamburi sospa asu hamburi konirian kaki afindifihi semindimbo nimoei nahurayowohü tüküfe maningö. Refeyowohüyo asu fororahoeimi ranai bogorindi nimarifondi ranahambo wakiyo türe haya, yaḡḡirasüfo emerar nimoei nahurai himboarambe forihoayoweimbi maningöwa hoeimariheandi. ⁴ Adükari bogorindi nimarifondi ranahambo 24 adükari bogorindi nimari fondi bidifiri ranai wakiyo türe haya burimayo. Raniyo asu fondi raniwami 24 boagiri-memo ranai kifohi hoeari yihuruyomo houmbo gorinambo nafümbi at kibodirifoaru mburu ninoumemo. ⁵ Adükari bogorindi nimari-fondi ranambeahindi wabürüsü ranai bire hiniḡḡireandühiyo, nimoamonindi hoafi ranai moani puküna pai kameihi kikimarandi. Raniyo asu adükari bogorindi fondi-mayo rani haḡḡifoani siḡari hai 7 ranai yiyowohü burimayo. Siḡari hai maningömo ranana Godindi yifiafi 7-yomo burimayomo. ⁶ Asu asükaiyo fondi haḡḡifoani ra mami moatükuni siriwara sürühoeyoweimbi grasinambo nahurai nafiyoweimbi meḡgoro.

Adükari bogorindi nimari-fondi rani-mbusümondühi asu himbori-kimi ra yaḡḡiri niḡḡombü moatükuni himboari haḡḡifoani asu daboadani gabudifoa-reandeimbi ranai ninoumayei. ⁷ Weaḡḡurihüdididi yaḡḡiri niḡḡombü moatükuni-mayo ranai adükari pusi ahandi ndüri raion nahurayo. Rani-kiminindi yimbu noufimbi yaḡḡiri niḡḡombü

moatükuni ranai burmakau nahuraiyo. Iḡgorü rani-kimi ḡgimi noufimbï yanggiri niḡgombü moatükuni-mayo ranai ahandi ḡgusümboari ra nindou nahuraiyo. Asu bidifirani yimbuyimbu noufimbï yanggiri niḡgombü moatükuni-mayo ranai meso botirihoai ho-randeimbï nahuraiyo. ⁸Yimbuyimbu yanggiri niḡgombü moatükuni mamami ranai 6 mbanendeimbiyei ninoumayei. Aheifihi wagabe ragu asu moanambühi ra himboarinambo yanggiriyo gabudifoa-reandüri haya mamarei. Asu ai nimbi-nimbisi ra moai heirü kikirühümündi, ḡga heirü hoafina kümerei. Ai rarihi heirüyeihi seiya:

“Adükari God Moani Adükari hondü,

Ai Sürühoeimbi hondü, Sürühoeimbi hondü, Sürühoeimbi hond-ani.

Ai horombo manüḡgu, haponda anüḡgu asu süḡguna niḡgomboayu,” sei heirüyeihi kakisaorihori marihündi. ⁹Yimbuyimbu yanggiri niḡgombü moatükuni ai nindou koadürümbo-koadürümbo yanggiri nüḡguweimbi bogorindi nimarifondi-wami mamaru ahambo heirünambo kakisaorihori arihündi. ¹⁰Ai refembo hohoanimo-yomondühi ana, sapo bogori nindou 24-memo ranai nindou ai adükari bogorindi nimarifondi wami mamaru ranahandi haḡgifoani yiriyimbu pusirundühi piyomo mamarimo. Ai heirünambo koadürümbo-koadürümbo nüḡgumbü-mayu ranahambo kakisaomaruri. Raniyomo nimarifondi rani haḡgifoani ahamundi adükari bogorindi at ra pirindowohü yaru heirüyomondühiya,

¹¹ “Yihoefi Adükari asu God!

Awi seana ndüri adükarümbi asu ḡginindi moatükuni semindimbo ra adükari hamindi hond-anafi.

Se-randi muḡguambo moatükuni eḡgoro ra sihafï hohoanimo süḡgu nafimarandi,”

mehomo.

Godindi hoafi nimiharifihi ḡgamondifeimbi asu sipsip nimorindi hoaf-ane

5 ¹Raniyo asu adükari bogorindi nimari-fondi raniwami nindou mamaru ranahandi warihondü warani ro hoeiriheandani pepa hoandari mami nimiharifihi ḡgamondifeimbi ahandi ndüri skor ai meḡgoro. Asu pepa-mayo ranifihi yiboboani sürü papiyoweimbi mayowa, asu ranahambo nimi hori nahurai 7-nambo himondiyimindi masihéfeyo. ²Asu ro hoeirihenda sünambeahindi nendi ḡginindi hondü ranai hoafiyuhü yahuya, “Nindou düdi aboedi mbumundi ndorihoeimb-aiyu ai pepa nimiharifihi ḡgamondifeimbi-mayo ranahambo nimi hori raninambo himondimemindo ra kikiinde fufudigai haya pepa ra ḡgurima-ndeanda?” mehu. ³Iḡga asu nindou sünambeahindiyu, hifinindiyu, hifambeahindi ragupoediyu mami ai-amboani ḡgiri pepa-mayo ranahambo ḡgurinde hoeinde asu ragu wagabe himbondu, ḡga

wani. ⁴Pepa nimiharifihi ngamondifeimbi-mayo ranahambo nguri-ngurife asu wagabe ragu samongori-foefembo-mayo nindou mami ai ningokoate-mayuwa hoeifekoate-mayefi. Ranimboanahi ro moani afindimbo aranimoaho ngusumboari himboari-mayahi. ⁵Raniyu asu nindou boagiri-mayu ranai wambo hoafiyundirühi yahuya, “E! Se aranindamboayafi! Se himboayafi! Raion Suda srambeahindi seiarihündi sapo Defitindi amoa adükari-mayu ranai awi yifiariyu titabofoare-randeimb-ani. Ranimboane asu ai-animo nimi horinambo himondimemindo 7 ra kikinde haya pepa nimiharifihi ngamondifeimbi-mayo ra nguri-ngurindeambui,” mehu.

Son ai Sipsip Nimori hoeimariri

⁶Asu ro hoerihandani Adükari bogorindi nimarifondi-mayo rani mbusumondühi Sipsip Nimori ra manüngu. Raniyo asu ahambo yimbuyimbu yanggiri ningoweimbi moatükuni-mayei raniyo asu boagiri nindo-memo ranai Sipsip Nimori ranahambo wakiyomo türu houmbo maningomo. Refeyowohüyo asu Sipsip Nimori ranai hifokoefe sihefembo himboyohaya megoro. Sipsip Nimori ranai 7 daburüdümbyo asu 7 himboarümbyo. Asu ai ra Godindi 7-yifiyafi-yei sapo muṅguambo hifina koamarihendüra makosei. ⁷Sipsip Nimori ranai ho adükari bogorindi nimarifondi-wami nindou mamaru ranahandi warihondü waranipoedi sapo pepa nimiharifihi ngamondife masihefeyo ra kosimaramindo. ⁸Sipsip Nimori ranai ramareandamboyo asu sapo yimbuyimbu yanggiri ningoweimbi moatükuni-mayei raniyei asu 24 boagiri-memo ranai muṅguambo ahandi hangifoani yiriyimbu pusirih mamarei. Muṅguambo mamami boagiri-memo ranai fandiyo-rambo moatükuni hap ra fufuründümo asu gorinambo nafiyoweimbi dis warambemaründümo ranambe fisiṅarümbi moatükuni foafusimbüyo. Ranana Godindi yanggiri nindou-yei didibafife raniyo. ⁹Asu ai yaru heirü simbori heirüyomondühi yahomoya,

“Seana nindou moani aboedi hamind-anafi.

Pepa nimiharifihi ngamondifeimbi semindi hefe
asu nimi horinambo himondiyimindi masihefeyo
ra kikife nguri-ngurifembohünda se nginindayafi!

Nimboe sapo sihambo hifokoama-rihinina yifimayafi,
ranimbohünda asu sihafi hori ranambo muṅguambo siri,
muṅgambo hoafimbü, muṅguambo hifihündi
asu muṅguambo fi ra

Godimbo-hünda hihiro masowandifi-ndüri.

¹⁰Asu se aheimbo Godimbo sesi sai-rambohünda nindou adükari
bogorimbo-rowandürühi hiningima-rowandüri
ahandi ratüpuri ratüpuriyo-rambohünda.

Asu aiana muṅgua hifi hibadihümboyei,”
yahomo heirümayomo.

¹¹Raniyo asükaiya himboyahane sünambeahindi nendi afindi tapuiyoani tauseniyoy mirioniyoy-randeimbi-yomondi yafambe himborimayahi. Asu ai sapo Adükari bogorindi nimarifondi ranahambo, yimbuyimbu yanggiri niṅgoweimbi moatükuni-mayo, asu boagiri nindou-memo ranahambo muṅguambo wakiyomo türu houmbo maningomo.

¹²Raniyomo asu ai puküna heirüyomondühi yahomoya,
“Sapo Sipsip Nimori hifokoamefiyu ranai ana nindou aboedi hamind-ani.

Asu ai hifandimbo ṅginindi,
muṅguambo aboedi moatükuni,
aboedi fifirife,
ṅginindi ra mbisemündu-amboane.

Asu muṅguambo nindou ranahambo
ndürümbi adükari-ani mbisei-wamboane,
ahambo hihifi-hihifimbiri-horimboane,
asu ahambo hihifimbiri-horimboane,”

yahomo houmbo heirümayomo.

¹³Raniyo himboriyahane, muṅguambo moatükuni sünambe engoro, hifi ndanihü engoro, hifambe ragu hoarehi engoro, asu muṅguambo moatükuni siriwara-ambe engoro ranai rarihi heirüyeihü seiya,

“Nindou sapo ahandi adükari bogorindi nimarifondi-wami amaru
asu Sipsip Nimori amboani ranahafanimbo muṅguambo ai
hihifimbirihü-piramboane
adükari ndüreimb-anafani mbiseiyeyi-amboane
ahafanimbo hihifi-hihifimbeyei-amboane
asu ai ṅginindi mbisowandifand-amboane,”

masei. ¹⁴Asu yimbuyimbu yanggiri niṅgoweimbi moatükuni ai rarihi simbori hoafiyeyihü seiya, ‘Anihond-anesi,’ masei. Raniyomo asu nindou boagiri-memo ranai yiriyimbu pusiru nimarimombo heirünambo ahafanimbo kakisaorupirühi aboed-anafani mehomopiri.

Sipsip Nimori ai nimi hori ra kiboakimarihendi

6 ¹Asu ro hoeiriheandane, Sipsip Nimori ranai sapo nimi hori masihefeyo ⁷ ranahandambo mami kiboakimareandi. Asu ro himboriyahane, sapo yanggiri niṅgoweimbi moatükuni yimbuyimbu-mayei ranahandambo mami ai puküna nimoamondihoafi nou yare wambo hoafiyowohü yahoya, “Se sühüfi!” meho. ²Raniyahi asu himboyahane hos kifohi ranahambo hoeimarihendi! Nindou hos semündü hu-randeimbi ranai yifiahondi semündü-haya mamaru ranahambo adükari bogorindi at masagado. Ai yifiariyu titaboarifoare-randeimb-ani asu ai yifiariyo titaboari-foefembohünda asükai hihirifi mahu.

³Raniyu asu Sipsip Nimori ai yimbu noufimbî nîmî hori ra kîboakîmareandî. Asu ro himboriyahane, yimbu noufimbî yangîri niŋgoweimbî moatükuni ranai hoafiyowohü yahoya, “Se sühöfî!” meho.

⁴Raniyo asu hos hamburî ranai tüküfe masîno. God ai hos semündü hu-randeimbî nindou-mayu ranahambo ŋginîndî masagado. Ŋginîndî ra aboedî niŋgombo hohoanimo raguanambofihî asu yifiari hohoanimo sihefeyoani yifiariyowohü simborî hifokofirü-mbohünda ŋginînd-ane. Ahambo ami-yomondi pisao adükari masagado.

⁵Raniyu asu Sipsip Nimori ai ŋgîmî noufimbî nîmî hori ra kîboakîmareandî. Asu ro himboriyahane, ŋgîmî noufimbî yangîri niŋgoweimbî moatükuni-mayo ranai hoafiyowohü yahoya, “Se sühöfî!” meho. Raniyo asu ro himboyahane, nîbandî hos ranai manîŋgo. Hos semündü hu-randeimbî ranai nîmborî simongori-ferambo waramberamündü haya manüŋgu. ⁶Asu ro himboriyahane, yangîri niŋgoweimbî moatükuni yimbuyimbu mamarei ahei mbüsumo hoafi mamî rahurai yare hoafiyowohü yahoya, “Sesi mbonîmbo-marundîmo. Mamî kirogram wit ra ten kinafihi yîbobondowandî. Asu bari ŋgîmî kirogram ra ten kinafihi yîbobondowandî.” ^aŊga asu se mandife wer-ane asu wain ranana moaruwaimbo-ndowamboyafi,” meho.

⁷Raniyu asu Sipsip Nimori ranai yimbuyimbu noufimbî nîmî hori ra kîboakîmareandî. Ro himboriyahane, yimbuyimbu noufimbî yangîri niŋgoweimbî moatükuni ranai hoafiyohü yahoya, “Se sühöfî!” meho. ⁸Raniyo asu himboyahane, aŋüsü futireandeimbî hos ra manîŋgo. Nindou hos semündü hu-randeimbî raniwami mamaru ahandî ndürî ranana Yifeimb-ane. Asu Yifiafi Ŋgoafi ahandî süŋgu maho. Nindou hifihü animboei ranaheimbo yimbuyimbu-mbore yibobomareandî. Mamî bidifirî ranaheimbo yifiari, wembo, aŋgünü asu nimambeahîndî nînihondî moaruwai ranambo hifokoefe-ndürîmbohündambo God ai ahafanimbo ŋginîndî masagapîri.

⁹Sipsip Nimori-mayu ranai hondahüfimbî nîmî hori kîboakîmareandî. Raniyahi asu ro hoeiriheandane, nînihondî hifokoefe mandîfembo fondi-mayo rani-hoarehî yifiafi yangîri anîboadei ra hoemariheandî. Sapo nindou ra Godîndî hoafi wataporîmborîhü asu anîhondümbö ahandî hoafi ranahambo hoafiyei marîhündî ranîmbohünda hifokoa-marîhindürîyei yifiafi raniyei. ¹⁰Raniyei asu ai puküna rarihi hoafiyeihi seiya, “Moani adükari hamîndî bogorî, sürihoeimbiyafi hawa asu anîhond-anafi! Ro nüŋgunîmbîmbo hibadîma-ndîhündî se nindou hifihü amarei ranaheimbo yibobondo-wandürühi tîŋirîfo madabadürî sapo yihoefimbo hifokoa-marîhimuni ranambohündambo?” sei

^a 6:6 Kaki ra rani sesi pemimbohünda adükari hamînd-ane. Adükari yifiarimbo simboani nindou ai sesi simogodühi rahurai kaki ranîfihî pemiyei arihündî.

düdumehindi. ¹¹Raniyo asu mamami aheimbo hoandari hoeari kifohi yimbundurühi awi akidou gedühi safi nimandei yahomo houmbo hoafiyomondühi yahomoya, “Asu süngunambo-animbo sihei mami ratüpurিয়ে-rihündeimbi nindou-anei asu wandafi-mami ranaheimbo hifokoa-mbürühindür-amboane, sapo siheimbo hifokoa-marhindüri nou,” mehomo.

¹²Raniyu asu Sipsip Nimori-mayu ranai nimi hori 6 ra kiboakimareandi. Raniyo asu ro himboyahane, adükari hifihe ranai tüküfeyowohüyo, hüfihamindi ranai nimbokoani nahurai nimbirañi-mareandi. Asu amoamo ranai moani muᅅgunambo hori nahurai hamburimayu. ¹³Raniyo asu mupui ranai hifini firibadiyifoai pütapimayo sapo haᅅgiri werinambo nahurai fimbomoranda hifokoakoayo nou. ¹⁴Asu sünu ranai awarihoaihüyo sapo nimiharifihi nini moatükuni ᅅgamondefeyo nou. Asu muᅅgambo hifi wafu asu airan rani-poanimbo ranai nimarifondihindi ranihündambo firiboadihoai haya ho marandi.

¹⁵Raniyo asu hifinindi bogori nindou, gafman hifandi-rundeimbi amiyomondi bogori, napo afindeimbi, ᅅginindi hifandi-rundeimbi, moani ratüpurিয়ে-rihündeimbi, kaki semindimbohünda ratüpurিয়ে-rihündeimbi nindou muᅅguambo ranai nimoei ambeambe asu hoᅅgu hoarehi dibonapimehindi. ¹⁶Raniyei asu ai hifi wafu, nimoei yitifo ranaheimbo rarihi hoafiyeihi seiya, “Yihoeᅅi wami se piyei gabudihimunananimbo asu nindou sapo ahandi nimarifondiwami amaru ranai hoeifekoate-yumunühi asu Sipsip Nimori ranai ᅅginindi-yomunikoate-mbiyumun-amboane. ¹⁷Ahafandi ᅅginindiyowohü nindou didiyei ai moaruwai hohoanimomaye ranaheimbo tiᅅirifo saimbo si ra ndeara tüküfemboanesi, ᅅga asu nindou didai ranahambo moan-ane mambüsa?” masei.

God ai Israerihündi 144,000 nindou ranaheimbo süru pamareandüri

7 ¹Muᅅguambo rani-moatükuni ranai refehayambo-yoane, asu ro hoeiriheandane, sünambeahindi nendi yimbuyimbu ranai hifi muᅅguambo yimbuyimbu rani himborani-kimi waraniründümo manᅅgomo. Raniyomo asu yimbuyimbu weri ra kikihiründümo warambe manᅅgomo. Rananimbo asu weri ranai ᅅgiri mami ai-amboani hifi ranih-ane, siriwara ambe-ane, hoe-ane asu nimi raniwam-ane ra ᅅgiri werindo yahomo houmbo. ²⁻³Raniyahi asu ro hoeirihinane, sünambeahindi nendi mami ranai hüfihamindi süfuanipoedi God yanggiri nüᅅgumbündi-mayo süru pare-randeimbi semündü haya masüfu. Asu raniyu sünambeahindi nendi yimbuyimbu-memo sapo God ᅅginindi masagapura hifi asu siriwara moaruwai-mbofembo-memo ranahamumbo puküna miᅅᅅiyu hoafiyuhü yahuya, “Awi se hifi, siriwara, asu nimi napo ranahambo nimai yowani moaruwaimbo-fepoani. ᅅga

yihoeŋi Godindi ratüpuriyei-rihündeimbi ranaheimbo ahei giribodi hamindiwami süri pare-randeimbinambo pandihundan-animbo, se rani moatükuni moaruwaimbo-ndundi,” mehu. ⁴Nindou ranaheifihi süri apaiaro ra himboyahane, 144,000-mayo. Nindou ranai ana 12 mamisiri Israerihüندی-yei asu ai mamami mamisiri ranambeahindi 12,000-yei.

⁵ Sudandi srambeahindi 12,000,

Rubenindi 12,000,

Gadindi 12,000,

⁶ Asandi 12,000,

Naptarindi 12,000,

Manasendi 12,000,

⁷ Simionindi 12,000,

Rifaindi 12,000,

Isakarindi 12,000,

⁸ Seburunindi 12,000,

Sosepindi 12,000

asu Bensaminindi 12,000.

Rani nindou ranaheimboyo God ai wand-anei yahu süri pamareandi.

Nindou Afindi ai Godimbo hohoanimoyeihi aboed-ani sei arihüندی

⁹Rani-moatükuni ranai refehayambo-yoane, asu asükaiya hoeiriheandane, nindou afindi hamindi ranai manimboei asu ranaheimbo ngiri mamai amboa tapuindüri. Nindou ranai ana muᅅguambo hifihüندی, muᅅguambo siri, muᅅguambo fi-hoeari, asu muᅅguambo hoafümbi-yei manimboei. Ai Godindi nimarifondi Sipsip Nimori-mayu ranahandi haᅅgifoani-yei kifohi hoeari yihuruyei mburihü asu hihifi-hihifiyeihi mbeyemü waramberihümüندی hehi burimayei. ¹⁰Ai puküna hoafiyeihi seiya,

“Yihoeŋi God ai adükari bogorindi nimari-fondiwami amaru asu Sipsip Nimori-dibo yihoeŋimbo aboedambo-rineamuni arinandi,”

masei. ¹¹Sünambeahindi nendi muᅅguambo ai bogori nindou-yomo asu yangiri nongoweimbi moatükuni yimbuyimbu-mayei raniyei ai Godindi nimari-fondi ranahambo wakirihi hehi burimayei. Raniyei asu ai Godindi nimari-fondi rani haᅅgifoani pütapiyei amoyareimbo Godimbo hohoanimo-rihorühi aboed-ani masahüندی. ¹²Ai seiya,

“Anihond-ane!

Yihoeŋi God ranahambo hoafiyeŋihüya,

‘Ai himboamupui-randeimbi,

aboedi fifireandeimbi,

ndüri adükarümbi,

asu hifandimbo nginindeimb-ani.

Koadürümbo koadürümbo ahambo hihifindihurühi aboed-ani,
mbisefimboane,”

masei.

¹³Raniyo asu boagiri mami ai wambo hoafiyundirühi yahuya, “Nindou didiyei hoandari hoeari kifohi ra güdimarihinda? Ai nahani-poediyeia?” mehu. ¹⁴Ro simbori hoafiyahindowohü sahiya, “Ape, se fifirarowandi,” masahi.

Ai yahuya, “Nindou ranai tiñirifoyo asu asübusi afindi ranambeahindi aboedambo tükümehindi.

Ai Sipsip Nimorindi horambe ahei hoandari hoeari boboemari-
hünda kifohimayo.

¹⁵Ranimbo-hündamboane, ai Godindi nimari-fondi hañgifoani
animboei.

Ai ahandi worambe nimbi-nimbisi ratüpuriyei arihündi.

¹⁶Ai ñgiri asükaindei wembombondei asu amindaniño-mbondei.
Hüfihamindi ranai ñgiri aheimbo tagindandüri,
asu hüfü amboa ñgiri tagindandüri.

¹⁷Nimboe sapo sipsip nimori adükari bogorindi nimari-fondi
mbustimondühi anüngu
ai ahei hifandirandüri-randeimbi-ndümbui.

Ai aheimbo ndemündündüri ñgu yangiri niñgombo hoe sowahi
tükündahimboyei.

Asu God ai ahei himboar-ambeahindi aranihimboaho
gedüherümbui,”

mehu.

Sipsip Nimori ai 7 noufimbi nimi hori ra kiboakimareandi

8 ¹Sipsip Nimori ai 7 noufimbi nimi hori ra kiboakimareanda asu
bodifoahü sünambe nimi emündü boefoimbo nahuraimayo.

²Raniyo asu sünambeahindi nendi 7 Godindi hañgifoani maningomo
ranai fufuñi 7 ra warani-maründümonda hoeimariheapuri. ³Asu
sünambeahindi nendi ñgorü ranai Godimbo fisiñarü aboedeimbi mandife
hasihoni rani-kimi tüküfi manüngu. Ai gor hipiri ranambe fisiñarümbi
moatükuni foerümbi warambaramüduwa ahambo fisiñarümbi
moatükuni afindi ra masabudo. Ai Godimbo rani-moatükuni ahandi
nendi muñgu ranahei didibafife hoafi ra-kapeihü sihefembohünda
masabudo. Aiana gorinambo nafeimbi hasihoni Godindi nimari-fondi
fikimi aniño raniwami digembui. ⁴Raniyo asu fisiñarümbi moatükuni
hai tikirimarandi-mayo hasiheimi ranai Godindi nendi-yafe didibafife
rani bitapire haya sünambeahindi nendi ranahandi warambeahindi
Godindi hañgifoani mahafo. ⁵Raniyo asu sünambeahindi nendi-mayu
ranai fisiñarümbi moatükuni hipiri ra semündü haya Godimbo sesi

mandife hasihoni-mayo raniwaminindi hai siramüdi foare mbura hifini pimareandi. Asu rani-simboani nimoamondi-hoafiyohü, fu afindi-afindiyohü, wabüsüriyohü hifihemayo.

⁶Raniyomo asu sünambeahindi nendi 7 fufuñi waramberündimo manıngomo ranai ndeara fufuñimbo yahomo houmbo-memo.

⁷Sünambeahindi nendi mami noufimbimayu ranai ahandi fufuñi ra fufuñimayuwa asu hoeweri ranai hoe ngisihari nginindi nimoei nahurai pütapiyowohüyo asu hai ranai hori bitapire haya hifi raniwami pimayo. Raniyo asu ranambo hifi mami ngimi bidifiri, nimi mami ngimi bidifiri asu munguambo mamami wohi yangiri ra hai tikirimarandi.

⁸Raniyu asu yimbu noufimbim sünambeahindi nendi-mayu ranai ahandi fufuñi ra fufuñimayu. Asu mami moatükuni moani adükari hamindi hai tikirandeimbi nimoei wafu himboyoweimbi ra siriwara-ambe pifeyoani mahano. Raniyo asu siriwara mami ngimi bidifiri ranai horimbofe tüküme Feyo. ⁹Raniyo asu yangiri niñgoweimbi moatükuni mami ngimi bidifiri-mayo siriwara-ambe ranai yifisafiyowohü asu sip mami ngimi bidifiri siriwara-ambe hei arihüdi ranai rani-moatükuni ranambo nimbora mafoareandi.

¹⁰Raniyu asu ngimi noufimbim sünambeahindi nendi ranai ahandi fufuñi fufuñimayu. Raniyo mupui mami adükari ranai şarı hai nahurai yiyowohü sünambeahindi firefoai hoe asu apoarındihori hoe ngimi bidifiri ranambe pimayo. ¹¹Mupui ranahandi ndüri ranana Hühütimbi Moatükuniyo. Hoe ngimi bidifiri ranai hühütimbü tüküme Feyowa nindou afindi ranai simindeihünda yifimayeı sapo ai hühütimbü wambo.

¹²Asu yimbuyimbu noufimbim sünambeahindi nendi ranai ahandi fufuñi fufuñimayu. Asu hüfihamindi ngimindambo, bidifiri amoamo ngimindambo, bidifiri mupui ranaheimbo harimendüra asu ahei si ranai ngimindambo bidifiri nimbırañi-mareandi. Raniyo asu rani-simboani ngimindambo bidifiri siyo asu ngimindambo bidifiri nimbi ra si akidou amboa tüküfekoate-mayo.

¹³Raniyo asu ro himborayahane ndusikori nimoamo youyu wakimareandi ai puküna hoafiyuhü yahuya, “Hipoanimboembou-anei, hipoanimboembou-anei, hipoanimboembou-anei, nindou hifini animboei se! Sünambeahindi nendi ngimi ranai ahamundi fufuñi ranambo fufuñindimondani, moaruwaimbofe moatükuni afindi tükündifemboe,” mehu.

Hondahüfimbim noufimbim sünambeahindi nendi ai fufuñimayu

9 ¹Hondahüfimbim noufimbim sünambeahindi nendi-mayu ranai fufuñimayuwa mupui ranai sünambeahindi hifina firefoai pimayowa hoeimariheandi. Raniyo asu ahambo hifambe akimi kaikoate raguhondü hanümbimayo ranahandi yipuri sübüdirihembo

ki masemündu. ²Mupui ranai ki ranambo hifambe-mayo ranahandi yipuri ra sübüdi-marihendamboyo, asu hasiheimi afindi tüküme Feyo hai adükari hifambe horombo nahurai. Hasiheimi tüküme Feyo raninambo hüfhamindi asu sünü ranahambo gabudi-mafoareanda nimbi mamaro. ³Raniyo asu wohi-yitihî ranai hasiheimi ra hiniŋgirihi hehi hifini pütapimayei. Asu ai hifinindi ŋginindi aheimbo masagadüra arühüpoahündi nahurai nindoumbo kiarimbohünda tükümehindi. ⁴“Se wohi, nimi asu amuri moatükuni yaŋgiri hifini burayo ranahambo ana moaruwaimbo-ndihimboyei. Ŋga moani sapo nindou daboe ahei giribodi hamindi-wami God ai wand-anei yahombo moatükuni pefekoate-mayei ranaheimbo-animbo moaruwaimbo-ndihindüri,” meho. ⁵Wohi-yitihî ana nindou ranaheimbo hifokoe-fe-ndürimbo hoafi ra moai yaŋgoro, ŋga moani aheimbo hondahüfimbî amoamo animbo afindi hamindi asübusi ndahündüri yaho hoafimayondüri. Ŋga afindi hamindi asübusümbi ana sapo arühüpoahündi kiaroani asübusayo nou-animbo rambifeyowamboane. ⁶Hondahüfimbî amoamo ranambe nindou ranai yifimbo yifirindei-mboyeisi, ŋga asu ai ŋgiri yifindei. Ai yifimbo hohoanimo-ndeimboyeisi, ŋga asu yifi ranai aheimbo gübüsüboadearümboe.

⁷Wohi-yitihî ranai ana, sapo hos yifiarimbo hombo sei hehimbo rawehindi nou-mayei. Ahei mbiroambe ana sapo adükari bogorindi at gorinambo nafümbi nahurai-ane amarondüri. Ranane asu ahei ŋgusümboari ranana nindou-yafe nahurai-ane. ⁸Ahei mbirinaŋi ranana nimorehi-yei mbirinaŋi nahurai hoandariyo hayamboane asu yahafi ana adükari pusi raion ahandi yahafi nahurai-anendüri. ⁹Ahei misindi ranana aini-nambo nafümbi niminehoari nahurai-anendüri gabudifoa-reamboayo. Asu fihoafi ahei mbanendinambo ranana sapo nimarifondi hosifihî nafiyo kifeyoani kife hüramindi haya yifiarimbo füsühoasümbi ahei yahurai-ane. ¹⁰Wohi-yitihî ndinindinambo kiarei arihündi ranana sapo arühüpoahündi nahurai-anei. Asu ahei ndinindi raninambo nindoumbo hondahüfimbî amoamo asübusi sehi arihündi. ¹¹Rani-moatükuni aheimbo ana sünambeahindi nendi bogorimbofi hayamboani hifandarandüri. Sünambeahindi nendi ranai ana sapo hifambe akimi kaikoate ragu hamindi hanîweimbi ranahambo hifandandeimbi nindou-ani. Ahandi ndüri Hîbru-yafe hoafinambo ana Abadon-ani. Asu Grik-yafe hoafinambo ana Aporion-ani. Hoafi ahandi nîmindi ra moaruwaimbore-randeimb-ani.

¹²Weaŋgurühididi tiŋirifo afindi ranai ana ndeara muŋgumayo. Ŋga asu sünguna awi yimbu afindi tiŋirifo amboani tükündafine-amboyafe.

¹³Sünambeahindi nendi 6 noufimbî-mayu ranai fufuŋi-mayuwamboyo, asu gorinambo nafümbi sesi mandife hasihoni yimbuyimbu daburüdümbi Godindi haŋgifoani manimboei ranambeahindi hoafi ranai

tüküme Feyowa himborimayahi. ¹⁴Sünambeahindi nendi 6 noufimbi fufuñeimbü-mayu ranahambo hoafi ranai yare hoafiyondowohü yahoya, “Sünambeahind nendi yimbuyimbu adükari hoe ahandi ndüri Yufretis kimi karabusiyafu aningomo ranahamumbo koandihawapura mbihomond-amboane,” mehondo. ¹⁵Raniyo asu sünambeahindi nendi yimbuyimbu-memo ranahamumbo karabus-ambeahindi aboeda koamarihoupura mahomo. Ai ndeara hapondani, ndani si, ndani amoamo, ndani himbanifihü nindou ngimindambo bidifiri ranaheimbo hifokoefe-ndürimbohünda nafiründümo houmbo hifandu maningomo. ¹⁶Ami ai hos raniwami nindou-memo ranana tapuiyoani yimbu handret mirion-ane (200,000,000) mehomonda ro himborimayahi.

¹⁷Raniyahi asu ro yafogoadinambo nahurai hos raniyei asu nindou hos sowandümo homo-rundeimbi ra hoeimariheandi. Ahamundi niminehoari misindihü magüdundi ra hai imami nahurai hamburi-mayo, nimbandi asüdabo, asu anisühi safi nahurai mapaiaro. Hosi-yei mbiro ranana adükari pusi raionindi mbiro nahuraiyo. Raniyo asu ahei yahamonindi hai, hasiheimi, asu nimoei sarfa imamiayo nahurai ranai tüküfe haya maho hoango. ¹⁸Raniyo asu ngimi moatükuni hai, hasiheimi, asu nimoei sarfa imamiayo nahurai hosi-yei yahamo tüküme Feyo ranambo nimorehi nindowenihi ngimindambo bidifiri-mayo ra moaruwaimbo-mareandüri. ¹⁹Hos ranahei nginindi referambo moatükuni ranana ahei yahamo asu sendani ane amarondüri. Ahei sendi ranana amoasiri mbiro nahurayondüri hayamboane asu raninambo nindou moaruwaimbo-rihindüri arihündi.

²⁰Nimorehi nindowenihi bidifiri moaruwai hamindi moatükuni ranambo hifokoefendüra yifikoate-mayei ai awi moai ahei hohoanimo ngorü-süngurihindi. Asu moai tikai god sisami ahei warina nafimarihündi ranahambo daboadanambo-rihindi. Asu ai moai moaruwai nendi hifi ndanihünda ranaheimbo ngusüfo pefe hohoanimo ra hiniñgirihihindi. Asu tikai sisami god aheihoari gor, sirfa, bras, nimoei, nimi bidifiri raninambo nafimarihünda himboariyo, hoafi himboriyo, asu hoahoango-rakoate-mayei ranahambo amboa ai moai ngusüfo pefihumbo hohoanimo ra hiniñgirihihindi. ²¹Asu nindou rani-mayei ranai sapo ai nindou hifokoarihi, tibagirihi, nimorehi sisihimo, nindowenihi birabiriyei asu hümbuhüniyei marihündi ranahambo amboani ai moai hiniñgirihihündühi aboedi hohoanimo süngurihindi, nga wani.

Sünambeahindi nendi mami ai Sonimbo buk masagadowa masesu

10 ¹Raniyahi asu ro hoeirihinane, sünambeahindi nendi nginindi mami ranai sünambe tüküfi haya makusu. Ai mburüñgainambo gabudifoareri haya asu ahandi mbiro wafusifoahü foforahoeimi ranai wakiyo tümareri. Ahandi ngusumboari ana hüfihamindi nahuraiyo

asu ahandi tɨjari yimbu ana hai nahuraiyo. ²Ai ahandi warambe buk akidou skror^b ra, ŋgure waramberamündü hayamboyu. Raniyu ahandi warihondü tɨjari ra siriwara-ambe türeandi asu kadüdi tɨjari ra hifiwami tümareandi. ³Asu ai puküna hamindi raion hoafayo nou hoafimayu. Ai hoafiyu hayamboyu-ane asu nimoamondi-hoafi 7-ambe ramindeimbimbo hoafimayu. ⁴Nimoamondi-hoafi ranai hoafimayuwa rani-simboani ro ndeara ahei hoafi ra sürü papimbo yaŋgirimayahi. Ŋga asu sünambeahindi hoafi mami ranai hoafiyohü yahoya, “Nimoamondi-hoafi 7 hoafimayo ra se weindahindo-wamboyaŋfi, ŋga dibonapi-ndowandi. Asu se bukifihi hoafi ra sürü papindamboyaŋfi,” mehendiri.

⁵⁻⁶Raniyu sünambeahindi nendi siriwara-ambe tɨjari türe asu hifihü türe maranda hoeimarihini-mayu ranai sünambe ahandi warihondü wari nimoamore mbura God koadürümbo-koadürümbo anüŋgu ahandi ndürinambo anihondümbo hoafimayu. Ai sünü, hifi, siriwara asu muŋgu moatükuni ranambe eŋgoro ra nafimarandi. Sünambeahindi nendi ai hoafiyuhü yahuya, “Ndeara God ai muŋgu-moatükuni moendifemboayu si ra muŋgumbo yahomboane, ŋga asu ŋgiri ai gedühi hibada ŋgu. ⁷Ŋga asu 7 noufimbi sünambeahindi nendi-mayu ranai ahandi fufuŋi fufuŋinduan-animbo, asu God ai ahandi hohoanimoyu dibo masihendi ra moendi-ndeambui. Rani-moatükuni ranahamboyu ai ahandi ratüpuriyomo-rundeimbi asu hoafi hoafiyimo-rundeimbi-memo ranahamumbo wataporimbo-marapuri,” mehu.

⁸Sünambeahindi hoafi ro horombo hoafimayowa himbori-marighamindihi ranai asükaiyo hoafiyondirühi yahoya, “Se ŋgafi buk akidou skror sünambeahindi nendi tɨjari siriwara-ambe türe asu hifihü türe haya anüŋgu ranahandi wariwami boare anaŋgo ra ndowandifi,” meho.

⁹Raniyahi asu ro sünambeahindi nendi-mayu ranahambo sowana ha buk akidou ra mbisenda sahehea düdumeheando. Raniyu asu simbori wambo hoafiyundirühi yahuya, “Se buk akidou ra ndowandifi mbunda dowadifi. Rani-moatükuni ra sihafi bodoambe didihamindimboe. ŋga asu sihafi yafambehü ana efu hoe nahurai aboedi aparindimboe,” mehundiri. ¹⁰Raniyahi asu ro ahandi warambeahindi buk akidou-mayo ra sahamindi hehea sahasihane, rani-moatükuni ranai efu hoe nou wandi yafambehü aboedi aparimayo. Ŋga asu sahasi hiniŋgirihe heheamboyahane asu wandi bodoambe didihamimayo. ¹¹Raniyu asu wambo yare hoafiyundirühi yahuya, “Asükaindafi se muŋguambo sirihündi, hifihündi hoafi asu bogori nindou afindi ranaheimbo nini-moatükuni tüküfemboayo ra wataporimbondandi,” mehundiri.

^b 10:2 Skror ra pepa hoandari nimiharifihi ŋgamondifeimb-ane.

Yimbu nindou ai hoafi bokamari-heneandi

11 ¹Raniyo asu wambo simongorife-rambo nimihari nimindi nahurai sendiri mbura hoafiyuhü yahuya, “Nimihari ranambo ngafi Godindi wori asu ahambo sesi mandife hasihoni ra simongori-ndowandi. Asu nindou didiyei wori ranambe amarei ranaheimbo tapuindafindüri. ²Ngga asu Godindi wori ranahandambo papi weindani aninggo ranana yowani se simongori-ndowamboyafi. Ranana sapo nindou Suda-yafe ndifo ranaheimbo hiningimefeyo-ane. Rani nindou ranai-animbo Godindi ngoafi adükari ranahambo 42 amoamombo pühindei kikimiboadi-himboyei. ³Rananimbo asu ro nindou koandihheapira afindi hohoanimo-yomombo hoeari güdüne hena wandi hoafiyaheimbi hoafi hoafombohünda kodamboyafani. Rananimbo ai Godindi hoafi ra wataporimbo-ndinamboyafani 1,260 si aho ranambe,” mehundiri. ⁴Nindou yimbu ranai ana sapo orif nimi yimbu asu ram hai yimbu munguambo hifi ranahei Adükari anüngu ranahandi hangifoan-ane animbafani. ⁵Nindou yimbu ranahafanimbo düdi ai moaruwaimbo-fepirimbo ehu ana, asu ahafandi yahamo-nafi hai ranai tükündifehü rani-moatükuni ranambo ahafanimbo moaruwaimbofe-pirimbo nindou ranaheimbo hai tikirinda-ndürimboe. ⁶Ai nginindi sowandifanimbo-anafani Godindi hoafi bokarihéfembo simboani sünambeahindi hoe kosiwa kikihemindimbo ra. Asükai ai nginindi sowandifanimbo-anafani hoe ra hori nahuraimbofe tüküfembo amboa. Asu hifinindi nendi aheimbo moaruwai moatükuni refeyoani moaruwaimbo-fendürimbo amboa ahafandi hohoanimo süngu refembo asafani ra randineamboyafani.

⁷Godindi hoafi ra ndeara wataporimborini moendineandan-animbo nimambeahindi ninihondi hifambe akimi kai-koateimbi ranambeahindi tüküfe arandi ranai ai-babidimbo yifiarindimboe. Ai ahafanimbo ngasündeapiri haya hifokoa-ndeapirimboe. ⁸Asu ahafandi yifi-nimoko ranai ngoafi ranahandi bogori nafini yagodimboyafani, sapo ahafandi Adükari nimi keimbi karihendeimbi-fihi tikoründümo pamarüwuri houmbo hifokoarüwurihi. Adükari ngoafi ranahambo kfoefe hoafi ranana Sodom asu Isipiyo. ⁹Mungua hifihündi nindou, mamami siri, mamami hoafümbi asu mamami fi-hoeari ai ngimiyo mbura ngorü sinambo hombo hüfünimboyo ahafandi yifi-nimoko ra hibudundihü-pirimboyeisi, ngga asu ngiri hifi kandihipiri. ¹⁰Hifi ndanihündambo nindou ai hihifi-hihifi-ndeimboyei sapo nindou yimbu ai yifimefandi ranahambo. Ai sesesi-ndeihi hihifi-hihifi-ndeihi asu aboedi napo simbori saindeimboyei nindou yimbu Godindi hoafi hoafiyafani-rinandeimbi ai nindou ranaheimbo afindi hamindi tinjirifo masabinandüri ranimbo.

¹¹Ngimiyo mbura ngorü sinambo hombo hüfünimboyo yanggiri ninjombo yafui ra God ai koamafoareanda kosi ahafandi

fiambemefeyowa ai botimefineanda, asu nindou muṅguambo ai ndarihi hoeirihipira mayowa yihimbomaye. ¹²Raniyo asu Godindi hoafi hoafiyafani-rinandeimbi ai himbori-yafandane, sūnambeahindi hoafi mami pukūna ahafanimbo hoafiyopirūhi yahoya, “Mborai ndūhi sūhūfani,” meho. Ahafanimbo hifokoa-marhipiri ai himboapoyeiane, asu ai mburingai bitapirine hena sūnambe mahahūfani.

¹³Asu rani-simboani hamindi hifihe afindi ranai tūkūfehūyo, adūkari ŋgoafi ranahandambo mami bidifiri birefoai pūtapiyowohū asu 9 bidifiri niṅgohūyo 7,000 nimorehi nindowenihī ra hifokoako-mafoareandūri. Nindou bodimondi yaṅgiri maniboadei ai yihimboyeihī God sūnambe amaru ranahambo adūkar-ani masei.

¹⁴Yimbu noufimbī tiṅirifo ranana ndeara muṅguyomboane, ŋga se himboriyei ŋgimi noufimbī tiṅirifo ranai ndeara akimi tūkūfembo yahomboane.

Sūnambeahindi nendi 7 noufimbī ai fufuṅimayu

¹⁵Raniyo asu sūnambeahindi nendi 7 noufimbī ai fufuṅimayu. Raniyo asu sūnambeahi nindou afindi hoafi ranai pukūna hoafiyehī seiya,

“Ŋginindi semindi hefe muṅgua hifi ra hifandimbo ana sihefi Adūkari

asu nindou sihefimbo aboedambofe-munimbo kamafoariri Krai
ahafand-ane,

asu ai-animbo koadürümbo-koadürümbo hibadambui,”

masei ¹⁶Raniyomo Godindi haṅgifoani 24 boagiri nindou ahamundi nimari-fondiwami mamarimo ranai hifini yiri-yimbu pusiru mbiro pūtapiyomo mburu Godimbo aboed-ani mehomo. Ai hoafiyomondūhi yahomoya,

¹⁷“Adūkari, se God muṅguambo ŋginindeimb-anafi.

Seana haponda animbafi,

horombo manimbafi!

Siḥafi ŋginindi ra sowandifi hawa

asu muṅguambo hifi piyafi hawa hifandara hafi

ranahambo sihambo ro hihifarihunini.

¹⁸Hifi ndanihūnda nindou ai ŋginindimaye

sapo siḥafi ŋginindimbo si ra tūkūmefeyowa,

asu yiḥiyeimbī nindou aheimbo yiḥobob-fendürimbo si ranambo

tūkūmefeyowa.

Siḥafi ratūpuriyomo-rundeimbī,

siḥafi hoafi hoafiyomo-rundeimbī asu

siḥafi muṅguambo nindou akidouyo adūkariyo sapo sihambo

yihimboarihūnini

ranaheimbo aboedi moatükuni saimbo si ra tūkūfemboane.

Ŋga asu nindou didiyei hifi moaruwaimbo-marihindi
ranaheimbo moaruwaimbo-fendürimbo si rani amboa ndeara
tükifemboane,”

mehomo.

¹⁹Sünambeahi Godindi wori ranahandi yipuri ra sübüdihoehü asu ahandi nendimbo hoafi firamündü masihendi bokis ra weindahimayowa hoeimarihindi. Raniyo wabürüsiyo wakireandühi asu fuyowohüyo nimoamonindi hoafi ai pai kapeihü kikirandühiyo asu hifihe tüküfehü kifohi nimoei nahurai pütapimayo.

Son ai nimorehi asu amoasiri adükari hoeimareapiri

12 ¹Raniyo asu sünambe moani rani-poanimbo moatükuni ranai tüküme Feyo. Rani-moatükuni ranana nimorehi mami ranaiyo. Ai hüfihamindi hoearimbore güde hayamboyo asu amoamo ahandi yirüfoendi hoarehi pare mbura, 12 mupui atimbore ahandi mbiroambe kikifoare hayamboyo tükife manüngo. ²Nimorehi ranai ranümbiyo hayamboyo asu nimori wakemindimbo asübusi ranai ahambo tüküme Feyo ndowa asübusimbo hoafi karihoaimarandi. ³Ramefeyowamboyo asu moani rani-poanimbo moatükuni ŋgorü ranai sünambe tüküme Feyo. Rani-moatükuni ramefeyo ranana moani adükari hamindi amoasiri hamburiyu 7 mbiroweimbi, asu 10 daburüdümbiyo haya ahandi mbiro mamami raniwami at 7 kibodirifoare hayamboyo tüküfi manüngu. ⁴Ahandi sendi ranambo ŋgimi bidifiri mupui kifihüramündi huhüyu asu sünambeahindi hifina firibadi-mafoareandi. Raniyu asu amoasiri ranai nimorehi-mayo ranahandi fikimi manüngu nimori ra wakindamindoani mbundihe dagadi yahuhaya. ⁵Raniyo asu nimorehi ranai nindowenihi nimori wakimarimindo. Nindowenihi nimori ranai-animbo adükarimbondifi haya munguambo hifihündi nendi ranaheimbo ain nimihari ndemündü haya hibadarümbui. Nimorehi ranai nimori ra wakimaramindo-amboyo asu nimori ra kosiründümo houmbo God asu ahandi nimari-fondi sowana mahafomo. ⁶Raniyo asu nimorehi ranai fefoi haya nimi wohi furikoate-reandühi maho. Sapo God ai ahambo 1,260 si ranambe ŋngowani hifandimboane yahuhaya ŋgoafi didiboadore hiniŋgimareandi raninambo.

⁷⁻⁸Raniyo asu yifiari ranai sünambe pomarihoaiyo. Raniyo sünambeahindi nendi bogori Maiker ai ahandi sünambeahindi nendi-memo rani-babidimbo amoasiri afindi-mayu rani-babidi yifiarimemo. Asu amoasiri ai asükaiyu ahandi nendi-babidimbo hihiriyafu yifiarimemo. Ŋga amoasiri adükari-mayu ranahambo yifiarambe ŋgasündüwuri houmbo, asu ahandi nendi-babidimbo sünambe gedühi niŋgombo yowani yahomo hemafoarupuri. ⁹Raniyomo Godindi sünambeahindi nendi-memo ranai amoasiri afindi-mayu ranahambo

sowarindümo hifina pimarüwuri. Amoasiri ranai ana horombodidi hondüyu haya ahamboya, “Satan hifi ndanihünda nindou papi-hoafira-randeimb-ani,” masei. Ai hifinindi nindou muñguambo tikai hoafiyu-randeimb-ani. Raniyo ahambo ahandi sünambeahindi nendi-memo rani-babidimbo sünambeahindi hifina hemafoarupuri.

¹⁰Raniyo asu ro himboriyahane sünambeahi hoafi ranai puküna yare hoafiyowohü yahoya,

“Hapo-ana God ai sihefimbo aboedambofe-munimbo ra ndeara tüküfemboane.

Hapo-ana nindou God ai dıboniyu hiniñgimariri ranahambo bogor-ani yahu nafuiyumboani!

Sapo nindou düdi ai Godindi himboahü nüñgumbo sihefi wandafi mami nimbi-nimbisi papi-hoafirandüri arandi ranahambo sünambeahindi hihairündümo masaföarüwuri.

¹¹Sihefi wandafi-mami ana Sipsip Nimorindi hori asu ahandi hoafi anihondümbö wataporimborihü marihündi raninamboyei ai amoasiri-dıbo yifiariyei tabori-marihehindi.

Nindou rani-mayeı ranai ahei fimbo hohoanimo-koate asu hoafi anihondümbö wataporimbo-marihündi

raninamboyei amoasiri-dıbo yifiariyei tabori-marihehindi.

Nindou rani-mayeı ranai yifimbo yihimbokoate-mayeı.

¹²Ranimbo-hündambo-animbo sünü asu sünambeahindi nend-anemo se hihifi-hihifindimo!

İjga hifi asu siriwara se hipoanimboembou-anafe.

Satan ai ndeara ranihü kusumbo wambo asu ahambo ñgusüfo asürirühane.

Ai ranihü niñgombo ra gedühiyopoani,

ñga bodifo-ane ranimbo fifireamboani,”

meho.

¹³Amoasiri adükari-mayu ranai ahambo hifina hemafoarüwuri ra ndare hoeireandani mayoamboyu asu sapo nimorehi nindowenihi nimori wakimarimindo ranahambo pare wamara hu. ¹⁴İjga asu nimorehi ranahambo meso mbanendi nahurai masahündo. Mbanendi yimbu ranambo-animbo ai nindou niñgokoate-reandühi amoasiri adükari ranahambo didimombo dıboai haya ñgomboe. Asu ranihü ñgo niñgowan-animbo ñgimi himbaniyo haya 6 amoamo ahambo hibadihündühi sesi ndahündomboyei. ¹⁵Raniyo asu nimorehi ranahamboya hohoambu ranambo semindi mbihowamboane yahuhaya amoasiri ahandi yahamonindi hohoambu kamafoareandi. ¹⁶Ai ramareandiyosi, ñga asu hifi ranai nimorehi ranahambo mafarihendi. Hifi ranai yafadü boamareanda amoasirindi yahamonindi hoe tüküme Feyo ra sirimafoareandi. ¹⁷⁻¹⁸Raniyo asu amoasiri adükari ranai yare hoeireanda

mayowa nimorehi ranahambo ŋginindimarandi. Asu ai nimorehi-mayo ranahandi ahurihoandi-mayei, sapo nindou didiyei Godindi ahinumbi hoafi asu Sisasindi hoafi süngurihi-rihündeimbi, ranaheimbo sowana ai-babidimbo yifiarimbo yahuhaya mahu.

13 ¹Raniyu asu amosiri adükari ranai siriwara gudi pimaramindo raniwami maningu

Nimambehindi ninihondi yimbu tükümeFINEANDI

Raniyahi asu ro hoerihanda moaruwai himboyoweimbi ninihondi mami ranai siriwara-ambehindi tüküfe masifo. Rani-moatükuni ra 10 daburüdümbüyo haya asu 7 mbiroweimbüyo. Daburüdü mamami ra adükari bogori nindoundi at nahurai ninoumayo. Asu ahandi mbiro mamami raniwami sürü papimayo, ranana Godimbo tirifoefi hoafiyo. ²Ninihondi tükümeFeyowa hoeimariheandi-mayo ranai ana adükari pusi titiborandeimbi repat nahuraiyo. Ahandi tiŋari ra adükari ninihondi bea nahuraiyo. Asu yafambe ahandi ra mare raionindi nahuraiyo. Ranahamboyo amosiri adükari-mayu ranai ahandi-mayo ŋginindi, asu adükari bogorindi nimari-fondi asu adükari bogori moatükuni ra masagado. ³Ninihondi-mayo ranahandi mbiro ŋgorü ranana moani pisaonambo-marundi ra yifimbo-mbuimbiyosi, ŋga asu ahandi masimeyi mamaro ranana dikirimefeyo. Muŋguambo hifinindi nindou ranai rani-moatükuni ramefeyo ranahambo hepünahi hehi asu ahambo süngumarihü hei. ⁴Raniyei asu muŋguambo hifinindi nindou ranai amosiri adükari-mayu ranahambo hohoanimo parihindühi seiya, adükari-ani sapo aiyu ninihondi-mayo ranahambo hifandimbohünda ŋginindi masagado. Asu ai ninihondi-mayo ranahambo amboani hohoanimo parihindühi seiya, “Düdi nimambehindi ninihondi ndahuraiyua? Asu didai ninihondi ndanahambo ŋgu pande haya yifiarimanda?” masei.

⁵Raniyu asu God ai ninihondi ranahambo yare hiniŋgimareanda hoafi afindi-afindiyo wakireandühi Godimbo tirifoarerühi hoafimendo. Raniyu asu ai ahambo rani-moatükuni ra refembo 42 amoamo yangiri hiniŋgimareandi. ⁶Raniyo asu rani-moatükuni-mayo ranai Godimbo, ahandi nimarifondi asu ahandi nendi sünambe amarei ranaheimbo amboa tirifoefe hoafiyo marandi. ⁷Raniyo ahambo God ai hiniŋgimareanda ahandi nendi-babidimbo yifiari-mayei asu ai yifiari ra titaboari-mafoareandi. Asu ai muŋgua siri, hifihündi, hoafeimbi, fi-hoeari ranaheimbo hifandiyondüri hombo, randowandi mehundo. ⁸Ranimbo nindou muŋguambo hifi ndanihü animboei ranai nimambehindi ninihondi-mayo ranahambo ŋgusüfo pandihimboyei. God hifi sünü nafikoate-yuambe Sipsip Nnimori hifokoamarüwuri ranahandi koadürümbo-koadürümbo yangiri niŋgombo buk ranambe

ndüri papimareandi. Ranambe ahei ndüri pefekoate-mayei ranai ana nimambeahindi ninihondi ranahambo ngusüfo pandihimboyei.

⁹Nindou didiyei ai himboambembaye ana, hoafi nda himborindei. ¹⁰Nindou didiyei sapo aheimbo mbuimündindüri karabusi-fendürimbo-mayei ranaheimbo mbuimündindüri karabusife-ndürimboane. Asu nindou düdi ai sapo pisao yihümindimayo ranambo hifokoeffimboani meho, ranana pisao yihümindimayo ranambo hifokoeffimboani. Yahurai moatükuni tükündifeyoani ana, asu Godindi nendi ai ahei anihondümbofe hohoanimo ra kikihisafi-rihümündi hehi mbinimboei-amboane, meho.

¹¹Raniyo asu ro hoeiriheandane, moaruwai himboyoweimbi ninihondi ngörü ai hifambeahindi tükife masifo. Rani-moatükuni ra Sipsip Nimorindi daburüdü nahurai yimbu ahandi mbirowami hiningireapiri hayamboyo, nga ai adükari amosiri nahurai hoafimayo. ¹²Ai adükari hamindi nginindi weangurühididi ninihondimayo semindi hayamboane asu haponda ahandi fondahü ai rani-süngure arandi. Ai hifi asu nindou raniwami animboei ranaheimbo weangurühididi ninihondi masime afindeimbi yifimbo yanggiri-mayo ranahambo ngusüfo pefembohünda hüti-hüti-marandüri. ¹³Yimbu noufimbi nimambeahindi ninihondi ranai adükari hamindi hepünifeimbi moatükuni ramareandi. Ai nindou muṅguambo ahei himboahü ramareanda hai ranai sünambeahindi tükife haya hifina makoso. ¹⁴God ai yini mehua nindou ranaheimbo tikai hoafiyondürühi weangurühididi ninihondi ranahandi himboahü hepünifeimbi moatükuni ramareandi. Yimbu noufimbi ninihondimayo ranai nindou ranaheimbo yahoya, sapo horombo ninihondi pisaonambo hitimaranda masimeimbü-mayo, nga ai haponda yanggiri aningo ranahandi sisami nafindihü mbundihü asu ahambo hohoanimo-mbeahüdo-wamboane, meho. ¹⁵God ai yini mehua yimbu noufimbi ranai weangurühididi ninihondi sisami ranahambo yanggiri ningombo yafui masagado. Rananimbo asu sisami ranai wataporiyohumbo nindou didiyei ahambo ngusüfo pefekoate-ayei ranaheimbo hifokoa-ndeandüra yifimbiyei-amboane, meho. ¹⁶Nindou muṅguambo akidou, adükari, napo afindeimbi, napo-koateimbü, moani ratüpuriyeyi rihündeimbi asu kaki semindimbo ratüpuriyeyi rihündeimbi ranaheimbo ahei warihondü warani asu ahei giribodi hamindi wami sürü pefendürimbo hüti-hüti-marandüri. ¹⁷Nindou mami ai-amboa ngiri kakinambo pemindu asu ngiri kakifihimbo ndendi, nga nindou düdi ahandifihü sürü apenigo rani yanggiri animbo randeambui. Sürü ranana ninihondi ahandi ndür-ane asu namba ranahandi ndür-ane. ¹⁸Ndanana aboedi fifirife hohoanimo-ane. Nindou düdi ai aboedi fifireandeimbayu ana, ai ninihondi ranahandi ndüri nimindi ra tapuimbiyu-wamboane. Sapo sürü ranana nindoundi ndüri süngunamboane. Ranahandi namba sürü ranana 666-ane.

Sipsip Nimorindi nindou ai simbori heirü heirayei

14 ¹Ro asükaiya hoerihéand-ane 144,000 nindou ai Saion nimoei wafu-ambe Sipsip Nimori-babidimbo manimboei. Sipsip Nimori asu ahandi afindandi ndüri ra ahei giribodi hamindifihí papimarandi. ²Raniyo ro himboriyahani sünambe hoe amündüri fuwayo asu nimoamondi-hoafi nahuraimayo. Raniyo asu ro himboriyahani gita fandunda hoafayo nahurai hoafimayo. ³Nindou ranai Godindi nimarifondi hangifoani, yimbuyimbu yangiri ningoweimbi asu boagiri nindou-yomondi himboahü simbori heirü mami heirümayeri. Nindou 144,000 God ai hifi ndanihündambo nindou-yafe mbusümonindi masemündündüri rani yangir-animbo heirü ra fifirindihimboyei. ⁴Nindou ranana moai nimorehi dibombo apomo, nga moani sürühoeimbi hamind-anemo. Muᅅguambo hifi nahi Sipsip Nimori ai huwani nindou ranai ahambo süngurüwuri homo arundi. God ai nindou ranahamumbo hifi ndanihündambo-yomondi mbusümonindi maningomonda masepurimüdu. Ahamumbo boatei ndeara seपुरi-mündümboani Sipsip Nimori asu God ahafandi yangiri ningombohünda. ⁵Ai moai tikai hoafiyomo-rundi, nga aiana hüti-koate-anemo.

Sünambeahindi nendi ᅅgimi ai hoafi wataporimbo-marundi

⁶Ro hoerihinaniyo sünambeahindi nendi ᅅgorü ai nimoamo youyu wakimareandi. Ai yangiri koadürü koadürümbo ningombo hoafi nindou muᅅguambo aheimbo wataporiyondürimbo semündü hayamboyu. Muᅅguambo hifihüdi, muᅅguambo fihoeareimbi, muᅅguambo mamsiri, muᅅguambo mami hoafeimbi ranaheimbo muᅅguambo wataporimboyondürimbo semündü hayamboyu. ⁷Ai pukünambo yare hoafiyuhü yahuya, “God ai nindou-yei hohoanimo yibobofembo si ra ndeara tükifemboane, nga asu ranimbo-hündambo animbo yihimbondeihí ahambo aboed-ani mbisefimboane. Aiyu sünü, hifi, siriwara, asu feamongo hoe nafimarandi ranimbo-hündambo-animbo ᅅgusüfo pandihori,” mehu.

⁸Yimbu noufimbi sünambeahindi nendi ai weangurühididi ramefiyu ahandi süngu ai yahuya, “Adükari ᅅgoafi Babiron ana moaruwaimbo-mefeyo. Anihond-ane! Muᅅgunambo moaruwaimbo-mefeyo. Adükari ᅅgoafi Babiron ramareandüra nimorehi sisihimo asu nindowenihi birabiriyeyi marihüdi. Ai ᅅginindi wain hoe sagadürani simindei hehi hihindi hohoanimoayeri nahurai-ayeri ranimbo God ai ᅅginindindandürümbui,” mehu.

⁹⁻¹⁰Asükaí sünambeahindi nendi ᅅgorü ai ᅅgorü yimbu ramefineandi nou ramefiyu. Ai puküna hoafiyuhü yahuya, “Nindou didyei ai nimambeahindi ninihondi asu ahandi sisami ranahambo ᅅgusüfo

pararihindi ana, ahei giribodi hamindifihi asu warihondü warani sürü apaiaro ana, ai rani-poanimbo wain hoe mbisimindei-amboane. Waini hoe ranana Godindi hürüt-ane. God ai ngiri nginindi wain ra hoe-ambe kandeandi, nga wani. Ai ahandi hürütü ra moaruwai-mbofe hoe simindi hipiri ranambe kande dagadürani ndimindeimboyei. Asu nindou ninihondimbo ngusüfo parihi arihündi, sünambeahindi aboedi hamindi nindou asu Sipsip Nimori ahamundi himboahü, ranaheimbo hai asu sarfa nimoei hai hüfü hondü raninambo tiñirifo afindi mbisagadür-amboane. ¹¹ Hai ranahandambo hasiheimi aheimbo tiñirifo asagadüri ranai koadürümbo-koadürümbo gafomboe. Sapo nindou ninihondi asu ahandi sisami ranahambo ngusüfo pamarihindi, asu ahandi ndüri sürü masahümündi ranana ngiri fi handihi nimandei,” mehu. ¹² Ranimbö-hündambo Godindi nendi ai ahandi hoafi himbori-yei süngurihindühi asu Sisasimbo anihondümbo-arihori hei ai aboedamboyahi nginindi mbinimboei-amboane.

¹³ Ro himboriyaha sünambe yafambe mami ai hoafiyohü yahoya, “Se sürü nda papirandi: Haponda asu sünguna nindou didiyei Adükariidibo aniboadei ranai yifaye ana, ai hihifi-hihifimbeyei-amboane,” meho. Yifiafi Aboedi ai-amboani yahoya, “Anihond-ane. Sapo ai ratüpuri afindi tiñirifomaye ra hiniñgirihi hehi moani wari handihi nimandeimboyei ranimbo-hünda. Asu ai ngiri moani ngei, nga aboedi hohoanimo ai ramarihindi ra-kapeihü ngeimboyei,” meho

Hifi ndanihündambo sesi yimungu-remindimbo si

¹⁴ Asükai ro himboyahind-amboyo mburingai kifohi-wami nindou mami Nindou Hondü nahurai mamaruwa hoeimarihini. Ai adükari bogorindi at gorinambo nafiyoweimbi-mbiro-ambe kikifoare sarif yihimindi semündü haya mamaru. ¹⁵ Asu sünambeahindi nendi ngorü ai Godindi worambeahindi tüküfi sünü nindou mburingai-wami mamaru ranahambo puküna miñgiyu hoafiyuhü yahuya, “Sihafi sarif ndowandifi hawa sesi hifinindi ra yimunguri-ndandifi, nga ndeara sesi ra yimungurimbo si-ane,” mehundo. ¹⁶ Raniyo nindou sapo mburingai-wami mamaru ranai ahandi sarif semündü haya sesi hifinindi rani yimungure-mindimbo mahanu.

¹⁷ Asükai sünambeahindi nendi ngorü ai Godindi wori ra hiniñgire haya tüküfi masünu. Ai-amboani sarif semündü hayamboyu. ¹⁸ Asükai sünambeahindi nendi ngorü hai hifandira-randeimbi-mayu ranai Godimbo sesi mandife sihefe-rambo hasihoni-mayo ra hiniñgire haya masüfu. Ai sünambeahindi nendi ngorü-mayu sarif yihimindi masemündu ranahambo puküna hoafiyuhü yahuya, “Sihafi sarif yihimindi ndowandifi hawa wain hisi ra hifitiri-ndandifi mamini digawandi, nga ndeara wofi hisi ra süfiyomboane,” mehundo.

¹⁹Sünambeahindi nendi ranai sarif semündü haya amofi hanü wain hisi ra hifitiramündi maminire masihendi. Waini hisi-mayo ra Godindi hürütümbi nimoei hipiri wain hisi ndüniyo boboe semindimbo-mayo ranambe pütimefiyu. ²⁰Asu ai wain hisi-mayo ra adükari ngoafi himborani tüküyafu homo hipiri-mayo ranambe ndünirund-aniyo hori ranai 300 kiromita nahurai maho. Asu hori tüküfe maho, ra nindou simongori-feyoani ngusümboarühi nahurai mahafo.

Bidifiranambo tinjirifo

15 ¹Ro sünambe hoeiriheandane, rani-poanimbo moaruwai hamindi hepünifeimbi moatükuni tükimefeyo. Sünambeahindi nendi 7 ranai nindumbo moaruwaimbofembo moaruwai hamindi moatükuni 7 sowandümo mamarimo. Rani-moatükuni ranai muṅguayo ana, Godindi hürütü ndeara bidifiranamboane, nga asu ṅgiri asükai yahurai tükündifeyo. ²Raniyo asu ro karasinambo nafümbi nahurai siriwarambe hai bitapire tüküme Feyowa hoeimariheandi. Nindou yifirambe ṅginindi nimboeimbo nimambeahindi ninihondi, ahandi sisami, asu ahandi ndüri namba ranahambo hifinambo-marihindi. Ai ahei gita God masagadüri ra fufurühümündi hehi karasinambo nafümbi nahurai siriwara rani-kimi manimboei. ³Asu Moses, Godindi ratüpuri ratüpuriyu-randeimbi asu Sipsip Nimori-mayu ahafandi heirü ndahurai heirümayeri.

“Adükari, seana God muṅguambo ṅginindi nimindih-anafi.

Se hepünifeimbi moatükuni ratüpuriyafi-randeimb-anafi.

Se muṅgua nindou-yafe bogori adükar-anafi.

Sihafi hohoanimo mbumundi hondüyo haya anihondü hamind-anafi.

⁴Adükari, muṅguambo nindou sihambo ahinindeihi sihafi ndüri ranahambo aboed-ani mbiseimboeyi.

Seana sürühoeimbi hamind-anafi.

Muṅguambo hifihündi nindou sihambo sowana didei ṅgusüfo pandihi-ninimboeyi.

Sapo sihafi mbumundi ratüpuri ramarowandi ra fufurühümündi hehi karasinambo nafümbi nahurai siriwara rani-kimi manimboei,”

masei.

⁵Asükaiya sünambe himboyahündamboyo Godimbo hoafi femindi sihefe wori ranahandi ahinümbi wori safambe ra sübüdi-marihoyowa hoeimariheandi. ⁶Asu sünambeahindi nendi 7-memo ranai nindumbo moaruwaimbo-fembo moatükuni 7 masowandümo. Ai hoeari aboedi afisaho-koate himboarambe forihoeimbi güdu mburu asu gorinambo nafümbi ret ahamundi misindihü hühiru hiniṅgiru hou seriwori safambe tüküyafu masinimo. ⁷Asu yimbuyimbu yanggiri nangoweimbi moatükuni-

ndambo mami ranai sünambeahindi nendi 7 ahamumbo gorinambo nafiyoweimbi dis 7 masagapuri. Rani-moatükuni masagapuri ranana Godindi koadürü-koadürümbo yanggori-randeimbi hürütü foeroweimbi disiyo. ⁸Godindi himboamupuimbo-randeimbi asu nginindi ranahandi hasiheimi ranai ahandi worambe güre haya mengoro. Asu ngiri nindou mami amboani ahandi wori ranambe kebuendi, nga wani. Ai hibadihündani sünambeahindi nendi ranai nindou moaruwaimbofo moatükuni ra moendi-ndundan-animbo keboehimboyei.

**Sünambeahindi nendi 7 ai Godindi hürütü 7
hipirambe foeroweimbi kamafoarundi**

16 ¹Raniyo asu ro himboriyahaniyo Godindi wori ranambeahindi hoafi mami sünambeahindi nendi 7-memo ahamumbo puküna hoafiyowohü yahoya, “Se ngomo Godindi hürütü 7-disambe afoero ra hifihü kaboadundi,” meho.

²Raniyo asu mami noufimbi sünambeahindi nendi-mayu ranai hu ahandi dis Godindi hürütü foafusümbi ra kamafoareandi. Raniyo nindou sapo yanggiri ningoweimbi moatükuni ranahandi sisamimbo ngusüfo pamarihindi, asu ahandi sürü ahei giribodi hamindifihü parihindeimbi-maye, asu ranahefihü moaruwai hamindi asübusümbi masime tükümeFYondüri.

³Raniyo asu yimbu noufimbi sünambeahindi nendi-mayu ranai ahandi dis ra hu siriwara-ambe kamafoareandi. Raniyo asu hoe ranai nindou yifiyonai yiwihoe nahurai tüküfeyowohüyo asu muᅅguambo yanggiri ningoweimbi moatükuni siriwara-ambeahindi ranai yifi-safimayo.

⁴Raniyo asu ngimi noufimbi sünambeahindi nendi-mayu ranai ahandi dis ra hu hoe asu apoarindihori forihoayo-ambe kamafoareandi. Raniyo muᅅguambo hoe ranai hori nahurai tükümeFYe. ⁵Raniyo asu ro himboriyahane, sünambeahindi nendi muᅅguambo hoe ranahambo hifandandeimbi-mayu ranai yare hoafiyuhü yahoya,

“O God, seana aboedi hamind-anafi,

Haponda se animbafi asu horombo manimbaf-ane.

Tijirifo yibobofe se hifina kafaoro arandi ra mbumund-ane.

⁶Nindou didiyei ai sihafi nindou ranaheimbo asu sihafi hoafi hoafiyomo-rundeimbimbo hifokoa-marihindüri ranaheimbo hori kamefoendi ra aheimbo simindimbohünda masabadüri.

Se rani-moatükuni aheimbo ramariwandüri ra sapo ai nini-moatükuniyo ramarihind rani simogodühi-mboane,” mehu. ⁷Raniyahi asu asukai himboriyahane, Godimbo sesi mandife sihefe hasihoni ranambeahindi hoafi mami hoafiyohü yahoya, “Yini, Adükari God, seana Muᅅguambo Nginindeimb-anafi. Se nindou

ranaheimbo papi-hoafarandüri ranana ai moani anihondü hondüyo hayambo asu mbumundi saf-ane,” meho.

⁸Raniyu asu yimbuyimbu noufimbi sünambeahindi nendi-mayu ranai ahandi dis hüfihamindi-wami kamafoareandi. Raniyu God ai hüfihamindi nginindi masagado nindou hifini ranaheimbo hai nahurai tikiriyo-ndürimbohünda. ⁹Nindou ranaheimbo nginindi hamindi hüfü ranai tagiri-marandüramboyei asu ai seiya, “God ndan-ani mungua moatükuni moaruwaimbofembo nginindi ra hifandarandi,” sei hehi ahandi ndüri moaruwaimbo-marihindi. Ngga asu nindou ranai moai ahei moaruwai hohoanimo ra hiniṅgirihiṅdühü Godimbo aboed-ani sei, nga wani.

¹⁰Raniyu asu hondahüfimbi noufimbi sünambeahindi nendi-mayu ranai ahandi dis ra nimambeahindi ninihondi adükari bogorindi nimari-fondi raniwami kamafoareandi. Raniyo asu nindou munguambo ninihondi hifandirandi raniwami nimbi piyowohüyo asu ai asübusi afindi sahümündihi ahei teifi kikimarihündi. ¹¹Raniyei asu aheimbo asübusi afindi tüküfendürühi masimeini noumendürambo Godimbo moaruwai-moaruwaimbo-marihori. Ngga asu ai moai ahei moaruwai hohoanimo süngufe ra hiniṅgirihiṅdihü.

¹²Raniyu asu 6 noufimbi sünambeahindi nendi-mayu ranai ahandi dis ra hoe adükari Yufretisi-mayo ranambe kamafoareandi. Raniyo asu hoe ranai nginireandühüyo bogori nindou hüfihamindi süfuani-poedi sifombo-memo ranahamumbo nafi ra meṅgoro. ¹³Raniyahi asu ro hoeiriheandane, moaruwai nendi ngimi ranai koaikoai nahurai adükari amoasiri, nimambeahindi ninihondi, asu Godindi hoafi tikai hoafiyu-randeimbi ranahei yahamo-nafi tükümehindi. ¹⁴Aiana moaruwai nendi hepünifeimbi hamindi moatükuni rarihi arihündi rananei. Moaruwai nendi ranai ana bogori nindou hifi hifandu-rundeimbimbo sowana hei arihündi. Sapo bogori nindou ranahamundi ami mamambefepura God Munguambo Adükari Nginindi hifandirandi ranahandi bidifirani sihi yifiarimbohünda.

¹⁵Adükari ai yahuya, “Awi se himboriyei! Ro hümbuhünümübi nindou nahurai tükündaheamboya! Ngga nindou düdi ai apokoate yangiri nimarumbo ahandi hoeari ra wudipoapore hifandarandi ana, hihifi-hihifimbiyu-wamboane. Sapo rananimbo ai ngiri nindou afindi himboahü safi yangiri hoahoanguhü ahandi fimbo amoanṅgindu,” mehu.

¹⁶Raniyomo asu moaruwai nendi ngimi-maye ranai bogori nindou-memo ranahamumbo hifi mami Hibru-yafe hoafinambo Armagedon ranihü mamühifepurimbo sahüpurümündi mahei.

¹⁷Raniyu asu 7 noufimbi sünambeahindi nendi-mayu ranai ahandi dis hipiri ra nimoamo sünambe kamafoareandi. Raniyo asu hoafi mami

ranai puküna Godindi munguambo moatükuni hifandiyo nimarimbo fondi raniwamindi hoafiyowohü yahoya, “Mungu-moatükuni ra ndeara munğuyomboane,” meho. ¹⁸Raniyo asu wabürüsi afindi ranai bire hiniğirera wakireandühiyo asu nimoamondi hoafi ranai pai kameihi kikirandühiyo hifihe afindi ranai moani moaruwai hamindi tükümeſeyo. God ai nindou nafirandambe ana hifihe ranai moai yahurai tüküſeyo, ɲga haponda tükümeſeyo ranana moani moaruwai hamindiyo. ¹⁹Raniyo asu adükari hamindi ɲgoafi ranai ɲgimimbore bumareandi. Raniyo asu munğambo hifiyei adükari ɲgoafi madaburo-mayo rani amboa moaruwaimbo-mareandi. Sapo God ai Babiron ɲgoafi amboa moaruwaimbo-mareandi. Sapo God ai Babiron ɲgoafi ranahambo hohoanimo puramündühiyo asu ai ahambo ahandi-mayo kap ranambe wain hoe ra simindiſambo masagado. Waini hoe ranana sapo God ahandi ɲginindi hamindi hürütü raniyo. ²⁰Raniyo asu munğambo airan ranai dibonapi-foendühiyo, asu nimoei wafu ranamboani moai hoeirihindi. ²¹Asu ɲginindi ɲgisihari ais nimoei nahurai sünambeahindi 50 kirogram nimboreimbi ranai nindou-yeiwami pütapiyowohü ranaheimbo moaruwaimbo-mareandüri. Ranimboyeyi asu nindou ranai seiya, “Ro nimboeyefi moaruwaimbo-ehundi,” sei hehi Godimbo moaruwai-moaruwaimbo-marihori.

Nindowenihi birabiriyo-randeimbi nimorehi

17 ¹Raniyo asu sünambeahindi nendi mami sapo dis 7 fufurundümo-ndeimbi-memo ranambeahindi-mayu ranai wambo-so kusü hoafiyundirühi yahuya, “Awi se mborai sinif-animbo nimorehi nindowenihi birabiriyo-randeimbi bogori-mayo ranahambo tiğirifo adükari tükefendo ra nafuindahanini-mboyahi. Nimorehi ranai ana ɲgoafi adükari hoe hari afoafuso rani-kimane aniɲgo. ²Munğambo hifi ranihünda adükari bogori nindou ranai nimorehi rani babidi moaruwai hohoanimomemo. Raniyei asu hifi ndanihünda nindou ranai-amboa nimorehi rani-babidi moaruwai hohoanimo ra süngumarundi. Ranimboyomo asu nindou ranai ɲgusüfo mamikari-marapuri ai nindou wain hoe simindi hefe rawehindi nou,” mehu.

³Raniyahi asu Yifiafi Aboedi ranai wambo fiambe farife ɲginima-ramindindira asu sünambeahindi nendi-mayu ranai wambo semündündiri haya nimi wohi furikoate-reandühi mahu. Ranihü tüküyaheandühi hoeiriheandane, nimorehi mami ranai nimambeahindi ninihondi hamburi raniwami mamaro. Ninihondi-mayo ranahandiſilhi ana ndüri afindi sürü papiyo hiniğifeyoane manıɲgo. Ndüri ranana Godimbo moaruwaimbofe hoafiyo papimayo. Ninihondi-mayo ranai 7 mbiroweimbiyo haya asu 10 daburüdümbüyo. ⁴Nimorehi ranai ana bogori-yafe asüdabombü asu hamburi hoeari güde mbura, rani-poanimbo

yihuruyo haya gor asu nimoei kaki afindi-fihi semindiweimbi-nambo nafiyoweimbi, foefembo moatükuni yihururamindi hayamboyo manigo. Gorinambo nafiyoweimbi kap ranambe moaruwai moatükuni ai anamindihoandi birabiri-mayo ranahandi afisaho foafusoweimbi semindi haya manigo, sapo ai anamindihoandi birabiri-mayo rambohünda. ⁵Nimorehi ranahandi giribodi hamindifihi moani rani-poanimbo dibohindi ndüri sürü paru hiniḡimarundi ranai yare hoafiyowohü yahoya,

‘DIBOHÜNDI HOAFI BABIRON IḡGOAFI ADÜKARI NINDOWENIHI
BIRABIRIYEIMBI NIMOREHI ASU MUIḡGUAMBO MOARUWAI
HOHOANIMO HONDÜ HIFI NDANIHÜNDAMBO EIḡGORO RANAHEI
HOND-ANE’,

meho. ⁶Nimorehi ranaiyo Godindi nendi-yei asu Sisasimbo anihondümbo süḡgurihoreimbi hifokoarearü marandi ranahei-mayo hori ra simindi haya mamikari-mayowa ro hoei-mariheandi.

Raniyahi asu ro rani-moatükuni ranahambo hepünaheandühi afindi hohoanimo-mayahi. ⁷Raniyu asu sünambeahindi nendi ranai düdufindirühi yahuya, “Se nimboe hepünefoandühi afindi hohoanimoayafa? Awi ro sihambo nimambeahindi ninihondi asu nimorehi ranahambo semindi ho arandi ranahafe dibohindi hoafi nimindi ra hoafindahanini-mboyahi. Nimambeahindi ninihondi ranana sapo 7 mbiro-weimbiyo haya asu 10 daburüdümü-mayo-ane. ⁸Nimambeahindi ninihondimbo yangiri manigowa hoeimarowand-anesi, ḡga asu hapondanana wani. Ai ndeara sapo hifambe akimi kaikoate moani raguhamindi haniweimbi ranambeahindi tüküfembo yangir-ane. ḡga asu ḡgiri amitata ahambo moaruwaimbo-fembohünda dibonapindifeyo. God ai hifi sünü nafirand-ambe nindou didiyei koadürümbo-koadürümbo yangiri niboadeimboyei ranahei ndüri ra bukambe sürü papimarandi. Nindou hifini animboei ranahei ndüri buk ranambe pefe sihefekoate-mayo ranai-animbo randihi nimambeahindi ninihondi ranahambo hoeindihindani-wani hepünindahi-mboyei. Rani-moatükuni ra horombo yangiri manigoyosi, ḡga hapondan-ana moai niḡgo, ḡga asu süḡgunambo asükaindo tükündifemboe.

⁹Ndani hoafi ndanana nindou düdi ai fifireandeimbi-mayu ranahamboane: Mbiro 7 ranahandi sisami ranana hifi wafuyo asu nimorehi-mayo ranai raniwami nimari arandi. Asu rani-moatükuni ra adükari bogori nindou 7 amboan-anemo. ¹⁰Ranane asu hondahüyafundeimbi (5) adükari bogori nindou yifimemo-anemo mami ai mbamarü asu ḡgorü ai awi moai bogorimbofi tüküfiyu. Tüküfekoate-mayu ranai tükündifiyuwani ai moani akidou bodifohü yangiri nüḡgumbui. ¹¹Sapo nimambeahindi ninihondi horombo manigo-yosi, ḡga asu hapondani ana moai niḡgo. Ai-animbo ahandihoari ranana 8 noufimbi

bogorimbo-ndifemboesi, nga asu aiana sapo ninihondi 7 ranambeahind-ane. Nga asu ahambo ana süngunambo God ai moaruwaimbo-ndearümbui.

¹²Sapo 10 daburüdümbi hoeimarowandi ranana 10 adükari bogori nindou-yomo asu ai awi moai muŋguambo moatükuni hifandiyo hombo ra piyomo houmbo hifandundi. Nga ahamumbo amboani God ai nginindi dagapurimbui. Bodifohü nimambeahindi ninihondi-mayo ra-babidimbo adükari bogori nindoumbondafu hifandu niŋgomboemo. ¹³Bogori nindou ranahamundi ratüपुरi hohoanimo ranana moani mam-ane. Rananemo ai ahamundi nginindi asu ndüri adükari ra nimambeahindi ninihondi ranahambo masabudo. ¹⁴Ai Sipsip Nimori rani-babidimbo yifiari-ndimboemo. Nga asu Sipsip Nimori ai yifiari ra taborindi-hoembui. Aiana adükari-yomondi adükar-ani asu adükari bogori-yomondi adükari bogor-ani. Asu ahandi nendi ranaheimboya mborai mehündüra tükimehinda wand-anei yahu kafaore hiniŋgi-mareandüra ahandi hoafi sünguarihind-animbo yifiari ra taborindi-hehimboyei,” mehu.

¹⁵Sünambeahindi nendi ai asükaiyu wambo hoafiyundirühi yahuya, “Nindowenihi birabiriyo-randeimbi nimorehi nimarümbi hoe se hoeimarowandi ranana nindou-anei. Ai muŋgua hifihündi, muŋgua fi-hoeari, muŋgua mamami hoafümbi asu muŋgua nindou afindi mafandihindi raniyei. ¹⁶Se 10 daburüdümbi nimambeahindi ninihondi hoeimarowandi ai-animbo nimorehi ranahambo yiBoaruko-ndihindühi ahandi nine napo ahambo sowahi eŋgoro ra mbiriBoadi-hindühi hoeari hiriboadi-hindoani asu safi yangiri nimandimboe. Rananimbo asu ai ahandi fisafi ra dagüdindowohü hai-ambe muŋguna mandihimboyei. ¹⁷Rani-moatükuni ra God ahandihoariyu ahamundi ngusüfoambe refembo hohoanimo masagapuri raniyo asu ahamundi-mayo nginindi ra nimambeahindi ninihondi ranahambo masabudo. Ai muŋgua hifi ra hibadiyo hombo God ai ahandi hoafimayu süngu muŋgua moatükuni anihondü tüküfemboayo rani si tüküfe simboani. ¹⁸Nimorehi se hoeimarowandi ranana adükari ngoafi sapo hifinindi adükari bogori nindou ranahamumbo hifandapuri arandi raniyo,” mehu.

God ai Babiron ngoafi Adükari ra moaruwaimbo-mareandi

18 ¹Rani-moatükuni ranai refehayamboyoane, sünambeahindi nendi ngorü ranai sünambeahindi tüküfi makusuwa hoeimarihini. Ai nginindi hamindi hondüyu haya asu ahandi nginindi hamindi si ranambo muŋguambo hifi ra si boakima-foareandi. ²Asu ai puküna hoafiyuhü yahuya,

“Adükari ngoafi Babiron ai hifini pimayo! Ai hifini pimayo!

Ai moaruwai nendi ranahei ngoaf-ane.

Rani-poanimbo rani-poanimbo moaruwai ndu ranai-amboani ranihü amarei.

3 Nimorehi Babiron rani-babidimbo muṅguambo nindou ranai
 moaruwai hohoanimomemo
 nindou ai wain hoe simindimo houmbo mamikari
 hohoanimomemo nou.

Muṅguambo adükari bogori nindou hifi ndanihündambo amboani
 ai-dibo moaruwai hohoanimomemo.

Asu kaki semindi ratüpuri ratüpuriyomo-rundeimbi nindou
 amboani

ahandi-mayo moaruwai hamindi hohoanimo rani-fihindi kaki
 afindi sowandümo houmbo

kaki afindeimbi nindou tüküme fundi,”

mehu.

4 Raniyo asu hoafi mami sünambeahindi makosowa himboriyahane, ai
 yare hoafiyowohü yahoya,

“Wandi nindou se ṅgoafi ranambeahindi aboedühi tüküyahi!

Se ai moaruwai hohoanimoayo ranisüṅgu-ndihimboyei, ṅga yowani.

Asu se ai tiṅjirifo asemindo ranambe-ndahimboyei, ṅga yowani!

5 Ahandi moaruwai hohoanimo ratüpurimayo ra nimoamo sünü
 ṅgasüde-amboane.

Ranane asu God ai nimorehi ranahandi moaruwai hamindi
 hohoanimo ranahambo moai mitaniramündu.

6 Ai siheimbo ramareandüri rani-simogodühi simbori se ahambo
 randihindi.

Nimorehi ranai sapo muṅguambo moatükuni moaruwai
 ramareandi rani-simogodühi nandihini ndahündo.

Nimorehi ranai siheimbo wain hoe ra ṅginindi hamindi kare
 masagadürimbo

asu se ahambo wain yimbumbore ṅginindi hamindi kandihini
 ndahündo.

7 Nimorehi ranai ahandi boriyohü asu napo afindeimbi-mayo
 rani-simogodühi

ahambo asübusi afindi ndahündoani aranimbeyo-wamboane.

Ai ahandi fi ranimbo boriyohü yahoya,

‘Roana adükari bogorimbo-yaheamboanahi nda amarihini!

Ro ṅgiri aranindahi, ṅga wani,’ meho.

8 Ranimbo-hündambo-animbo awi ṅgorü-simboani ana ahambo
 moaruwai hamindi moatükuni,

masimej, arani-hoafi, sesi-koate nimari, muṅguambo rani-
 moatükuni ranambo nikonda digemboe.

Asu hai ahambo tikirindamboe

sapo Adükari God ai-animbo ahambo yibobondeambui ai ṅginindi
 hamind-ani.

⁹Hifi ndanihündambo adükari bogori nindou-memo ranai nimorehi rani-babidimbo nimorehi sisihimo-yomondühi ai moani moaruwai hamindi afindi sowandümo maningomo. Ranimbo-hündambo-animbo adükari bogori nindou ranai nimorehi ranahambo hai tikirirandühi ranahandi hasiheimi ahafo ranahambo hoeindundani-wani aranindimondühi ngusüfohö wari purükindümboemo. ¹⁰Nindou ranai anguni safi ahandi fikimi ningokoate ningomboemo sapo ai asübusi ranambefembo yihimbombo. Asu ai hoafindomondühi animboya, 'Hipoanimboembou-ane! Hipoanimboemou-ane! Babiron ngoafi adükari ra! Se ngoafi adükari hamindi-yafi hawa asu nginindi hamind-anafi! Nimehinou God ai sihambo tinjirifo saganinimboani,' mehomu.

¹¹Hifi ndanihündambo nindou kaki semindimbo ratüpuri ratüpuriyomo-rundeimbi-memo ranai-amboani ahambo aranindimboemo sapo nindou ahamundi napo ra semindimbo wanimewambo. ¹²Sapo ahamundi napo ranana ini nda: gor, sirfa, nimoei kaki adükari hamindifihi semündümbi, aboedi hamindi yamañi, kifohi hoeari nginindi aboedi, rani-poanimbo hoeari hamburi, sirika nginindi hoeari. Asu rani-poani nimi fisiñarü aboedümbi, muṅguambo aboedi moatükuni erefan yahafinambo nafiyo-weimbihündi, muṅgu moatükuni nimi kaki afindifihi pemiyo-weimbihündinambo nafiyo-weimbihündi. Asu nginindi kapa bras, ain asu nimoei aboedi sürü-sürüyo-weimbinambo nafiyo-weimbihündi. ¹³Asu bidifiri napo yahurai. Sesi fisiñarümbi moatükuni sinamon, kosendi mbai, fisiṅgirümbi mbimbirai, wowondümbi moatükuni aboedi fisiṅgirümbi, sanda, wain, sesimbo wer, kifohi praua asu nimbandi praua, burmakau, sipsip, hos, ahandi nimarifondi kameihi, nindou kaki-koate ratüpuriyomo-ndeimbi asu nindou yifiarambe sowandümo-ndüreimbi muṅguambo moatükuni ra ngiri asukai pemindomo.

¹⁴Kaki semindimbo ratüpuriyomo-rundeimbi ranai nimorehimbo hoafiyomondowohü yahomoya, 'Muṅgu aboedi moatükuni se sihoeifi hawa wand-ane masafi ranana ndeara sihambo hiningireanini haya dibonapi-mefeyo. Asu muṅguambo aboedi sesi kaki afindifihi semündümbi asu muṅguambo yihuruyimindi napo aboedi sihafi meṅgoro-mayo ranamboani ndeara sihambo hiningireanini haya awarimarihoayo. Asu muṅguambo rani-moatükuni ra ngiri se yahurai asukaindafi hoeindowandi,' mehomu. ¹⁵Sapo kaki semindi ratüpuri ratüpuriyomo-rundeimbi ai adükari ngoafi ranihü ningomombo rani-fihindi kaki afindeimbi-memo ranai ngoafi ra anguni safi ningomboemo ai afindi tinjirifo asemindo ranambefembo yihimbombo wambo. ¹⁶Ŋga asu aiana araniyomondühi afindi hohoanimomemo. Ai randu hoafindimondühi animboya,

“Hipoanimboembou-ane! Hipoanimboembou-ane! Adükari ŋgoafi
ra.

Horombo ai kifohi hoeari aboedi, rani-poanimbo hoeari hamburi
yihururamindi,
asu gor, nimoei ranambo nafiyo-weimbi moatükuni, aboedi
hamindi yamaŋi yihururamindi raraora-hayambo
maniŋgomayo-ane!

17 Asu nimehünou muŋguambo aboedi ŋginindi moatükuni ra
awarimarihendi!”

mbisimboemo.

Muŋguambo sip sowandümo homo-rundeimbi, nindou sipambe
fareahi ŋgorü ŋgoafini hei-rihündeimbi, sipambe nimarimombo, sip
ranahambo hifandiru homo-rundeimbi asu nindou didemo siriwara-ambe
kaki semindi ratüpuri ratüpuriyomo-rundeimbi nindou muŋguambo
ai Babiron ŋgoafi rani-kimi ŋngo-koate aŋguni-safi manimboei.

18 Ranimbo asu ai Babiron ranahambo hai imaminambo tikirirandühi
hasiheimi ahafo ranahambo hoeirihindani mayowa hasiheimaye.

‘Moai ŋgorü ŋgoafi adükari Babiron yahurai naŋgo!’ masei. 19 Ai ahei
mbirowami düdübudi pütiahindühi arani-himboahoyeihi seiya,

‘Hipoanimboembou-ane! Hipoanimboembou-ane! Babiron ŋgoafi
adükari! Moaruwai hamindi ahambo tükimefeyo.

Nindou didemo ai sip sihoundeimbi-memo ranai siriwara-ambe
sowandümo homondühi

kaki afindeimbi nindoumbo-yafu tükümefundü ŋgoafi ranahandi
kaki afindi ranambo!

Asu muŋguambo moatükuni afindi ahandi ra awari-marihoayo,
masei.

20 God ai Babiron ranahambo moaruwaimbo-mareandi ranimboane

asu sünü se-anafi, Godindi nindou se-ane, Kraisiŋdi hoafi
sowandümo homo-rundeimbi nindou-anemo, Godindi
hoafi hoafiyomo-rundeimb-anemo muŋguambo se
hihifi-hihifindei.

God ai ahambo tiŋjirifo masagado sapo simbori siheimbo
ramareandüri süŋgumbo,”

meho.

21 Raniyu sünambeahindi nendi-mayu ranai wit nokoyo-rambo nahurai
afindikokoe nimoei semündü botire haya siriwara-ambe pireandühi
hoafiyuhü yahuya,

“Ndahurai-animbo Babiron ŋgoafi adükari ranamboani puküna
pindifeyowani
gadowohümbo ŋgiri asükaindo hoeindihindi.

22 Babiron se, nindou gita fandu, heirüŋde, mboni faifaindimo

asu inafaoindimo rarako-ndundani
sihafi mbusümo ngiri nindou ai asükaindei himborindei
ndühündi!

Rani-poanimbo ratüpuriyomo-rundeimbi ai
sihafi mbusümo rani ratüpurindimo ndunda ngiri asükaindo
hoeindifeyo.

Asu wit nikombo nimoei ranai ngiri asükaindo
sihafi mbusümo wit nikondandühi hoafindowani himborindei
ndühündi.

23 Asu sihafi mbusümo ngiri asükaindo
ram hai ranai sindoani hoeindifeyo.

Sihafi mbusümo nindowenihi ai nimorehi semindimboayu-ane
asu nimorehi ai nindowenihi semindimboayo-ane
hoafi ra ngiri asükai tükündifeyowani himborindo ndandi.

Sihafi kaki semindimbo ratüpuri ratüpuriyomo-rundeimbi nindou
ranai ana
muᅅguambo hifi ranahambo ngasündu houmbo ndeara moani
nginindi hamindi hond-anemo.

ᅆga asu se sihafi tibiagi nginindi ranamboyafi muᅅguambo hifihündi
nindou ranaheimbo wosihoafori hoafi-mayafindüri!

24 Godindi hoafi hoafiyomo-rundeimbi-yomondi hori asu Godindi
nindou ranahei hori ranai Babiron ngoafi ranihü meᅅgoro.
Yini, sapo nindou aheimbo ai hifi ndanihü hifokoa-mareandüri
ranahei horiyo ngoafi ranihü meᅅgoro,”

mehu.

**Babiron ngoafi ranai moaruwaimbo-mefeyowa
nindou ai ranimbo hihifi-hihifimayei**

19 ¹Ro nindou afindi sünambeahi hoafi puküna kamarihinda
himbormayahi. Ai rarihi hoafiyeihi seiya,

“God ai sihefimo aboedambo-reamuneimb-ani.

Ndüri adükari asu muᅅguambo nginindi ranana sihefi God
ranahandi yaᅅgir-ane!

² God ai anihondü asu mbumundi hohoanimo süngure nindoumbo
yibobore arandi.

Nindowenihi birabiryorandeimbü ranai muᅅguambo nindou
ranaheimbo ahandi nindowenihi birabiri hohoanimo
ranambo moaruwaimbo-mareandüri.

God ai nimorehi ranahambo simbori tinjirifo masagado
nimboe ai Godindi ratüpuriyomo-rundeimbi nindou
hifokoamaripuri ranimbo-hünda,”

masei. ³Asükaiyei ai puküna hoafiyeihi seiya,

“Godimbo adükar-ani yahomboane!
 Hai Babiron ŋgoafi adükari ranahambo tikirarandi ranahandambo
 hasiheimi ranai moani yare koadürümbo-koadürümbo ahafo,”
 masei.

⁴Raniyo 24 boagiri asu yangiri niŋgoweimbi moatükuni ranai hifini
 pütapiyei nimareimbo God sapo ahandi adükari bogori nimarifondi
 raniwami amaru ranahambo hohoanimo yahündowohü ŋgusüfo
 pamarihori. Ai rarihi hoafiyeihi seiya,

“Godimbo adükar-ani yahomboane! Ŋga anihondü-ane!”
 masei. ⁵Raniyo asu adükari bogorindi fondi-mayo ranambeahindi hoafi
 ranai tüküfeyowohü yahoya,

“Muŋguambo nindou, Godindi ratüpuriyei-rihündeimbi se sihefi God
 ranahambo aboed-ani mbisei.

Moani nindou-anei asu ndüreimb-anei se muŋguambo ahambo
 aboed-ani mbisei,”
 meho.

Sipsip Nimori ai nimorehühifihi sesi afindi tüküme feyo

⁶Raniyahi asu nindou afindi fandambo yangorombo hoafi afindi
 tüküfembo nahurai himborimayahi. Rani-moatükuni ranai ana sapo hoe
 amündüri yigüdayo nahurai himboyo asu nimoamondi hoafi mbuayo
 nahuraiyo tüküme feyo. Ro himboriyaha ai rarihi hoafiyeihi seiya,

“Godimbo adükar-ani yahomboane!

Sapo Adükari God sihefi ai muŋguambo ŋginindi ra hifandarandi!

⁷Haponda awi sihiri hihifi-hihifindefühi adükar-ani mbisefimboane.

Sapo Sipsip Nimori ranai nimorehi semindimboayu rani si ra ndeara
 tüküfemboane.

Asu ahandi nimorirehi ranai ndeara nafirami-ndimboane amaro.

⁸God ai nimorehi ranahambo moani aboedi hamindi hoeari
 himboarambe forihoaiweimbi güdüfembohünda sagadomboani,”
 masei. (Sapo hoeari aboedi ranana Godindi nendi mbumundi ratüpuri
 hohoanimoaye ranahandi sisami nahurai-ane.)

⁹Raniyo asu sünambeahindi nendi mami ai hoafiyundirühi yahuya, “Se ra
 sürü papirandühi animboya, Sipsip Nimori ai nimorehi semündühi sesi afindi
 sesesi-maye ranambe God ai nindou ranaheimbo se dügüsi mehündüri ranai
 ana hihifi-hihifimbeiyei-amboane.” Asükaiyu yare hoafiyundirühi yahuya,
 “Ndani hoafi ndanana Godindi anihondü hoafi hond-ane,” mehu. ¹⁰Raniyahi
 asu ro ahambo hohoanimo-mbohünda yiri yimbu pusirihe mamarihi. Ŋga
 ai hoafiyundirühi yahuya, “Refepoani! Ro-amboani se asu sihafi wandafi
 babidimbo sihiri Sisasindi-mayo hoafi anihondümbo-rihundeimb-ane fi. Ŋga se
 Godimbo yangir-animbo hohoanimo pandiwori. Hoafi Sisas weindahi-mareandi
 ranai nindou ŋginindi sagapuri arandi Godindi hoafi hoafimbohünda,” mehu.

Nindou kifohi hosi-wami mamaru

¹¹Raniyo asu ro himboyahane, sünambe yipuri ranai sübüdihoai yanggorowohüyo hos kifohi ranai maningowa hoeimariheandi. Hos semündü hu-randeimbi nindou raniwami mamaru ranahandi ndüri ra yahurai-ane: ‘Ratüpuri ndore hifanda-randeimb-ani’. Asu, ‘Anihondü hohoanimo süngure-randeimb-ani’. Sapo ai nindou ranaheimbo yibobofe asu yifiari hohoanimo ra ai moani mbumundi hohoanimo meŋgoro rani-süŋgu-ani rawareandi. ¹²Ahandi himboari ana hai nahuraiyowohüyo asu adükari bogori nindou-yafe at afindi ahandi mbiroambe ninoumayo. Ahandifihü ndüri sürü pefe hiningifeyowa mapaiaro ranahambo nindou amuri ai moai fifirifeyo, ŋga moani ahandihoari yanggir-ani fifireamboayu. ¹³Ai hoandari hoeari magüdeandi ranana hor-ambe foefe himindümbiyo magüdeandi. Ahandi ndüri ranana, ‘Godindi Hoaf-ane.’ ¹⁴Raniyomo asu sünambeahindi ami ranai kifohi hoeari moani aboedi hamindi ra fihü yihururündimo houmbo kifohi hosi-wami ninouyomo houmbo ahambo süngumarüri homo. ¹⁵Muŋguambo hifi ranaheimbo hifinambo-fendürimbo ami-yomondi pisao nahurai yihümindü hamindi ahandi yahamonafi tüküfe mbumarandi. Ai ain niminimi ranambo-animbo muŋguambo hifi ranahambo hibadambui. Rananimbo asu ai wain hoe boboe ra wain boboembo fondi ranambe tiŋarinambo bubütükündambui. Rani-moatükuni ranana sapo God muŋguambo ŋginindi hifandandeimbi-mayu ranahandi muŋguna moaruwai hamindi ŋginindi hohoanimo ranane. ¹⁶Ahandi hoandari hoeari-mayo ranifihüyo asu ŋgehurifihüyo ndüri ra sürü pefe hiningifeyoani mapaiaro. Ndüri ranai yare hoafiyowohü yahoya, “Bogori nindou-yomondi Bogori asu adükari nindou-yomondi Adükar-ani,” meho.

¹⁷Raniyahi asu himboyahünda sünambeahindi nendi ranai hüfihamindi fihü botifi manüŋguwa hoeimarihini. Raniyu asu ai ndu sünü wafusifohü youmemo ranahamumbo puküna hoafiyupurühi yahuya, “Godindi adükari sesesi ndanifihü mborai sifomo fandu mamühiyafu! ¹⁸Mborai sifomo adükari bogori nindou-yafe safi, ami bogori-yomondi safi, ŋginindi nindou-yomondi safi, hos safi, asu hos sowandümo homorundeimbi-yomondi safi, ra muŋguambo sowasümo. Muŋguambo nindou-yafe safi, moani ratüpuriyomo-rundeimbi nindou-yomondi-mayo asu kaki semindi ratüpuriyo-rundeimbi-yomondi-mayo, adükari nindou asu akidou nindou-yomondi-mayo safi ra muŋguambo sowasümo,” mehu.

¹⁹Raniyahi asu himboyahünda, nimambeahindi ninihondi asu adükari bogori nindou hifi ndanihünda ahei amiyomo ranai fandu gugurimarunda hoeimariheandi. Nindou sapo kifohi hosi-mayo raniwami nimarumbo semündü ahu ranani asu ahandi ami rananemo rani-babidimbo yifiarimbo ranai fandu gugurimarundi. ²⁰Nimambeahindi

ninihondi-mayo asu Godindi hoafi tikai hoafiyu-randeimbi nindou-mayu rani-dibo ai muŋguambo tikai hepünifeimbi moatükuni rarine-marinandi rani-yimbumbo mbumaripündümo. Nindou nimambeahindi ninihondi-mayo ranahandi himboahü hepünifeimbi moatükuni rarerandühi asu rani hohoanimo süŋguyu ai nindou ranaheimbo wosihoafori hoafiyundüri marandi. Raniyei asu ai nimambeahindi ninihondi-mayo ranahandi ndüri sahümündihi asu ai sisami ranahambo hohoanimo parihi marihündi. Ranimboyo asu nimambeahindi ninihondi-mayo raniyo asu Godindi hoafi tikai hoafiyu-randeimbi-mayu raniyu ahafanimbo yangiri nimbafanda sowapündümo wafusüriho hai sarfa nimoeinambo tikira-randeimbi-mayo ranambe pimarupiri. ²¹Raniyu asu nindou sapo kifohi hosi-wami nimarümba ahandi yahamo pisao yihümindü tüküfe mbumarandi ranambo ami bodimondi ranahamumbo hifokoako-mafoareapuri. Raniyo asu muŋguambo ndu ranai ahamundi safi sahüsimbo bodo tükimehindi.

Satan ai 1,000 himbani karabusambe manüŋgu

20 ¹Raniyahi asu ro nimboa himboyahünda sünambeahindi nendi mami ranai sünambeahindi tüküfi haya sapo hifi ambe ndihi ragu hoeife-koateyo-randeimbi ranahandi yipuri ki asu sen nimboreimbü waramberamündü makusüwa hoeimarihini. ²Raniyu asu ai amoasiri afindi ranahambo mbumaramündü. Amoasiri ranai ana sapo horombodidi hondü-mayo-ane. Ai sapo muŋguambo nindou ranaheimbo papi-hoafirandüri hoangu-randeimbi Satan-ani. Raniyu asu sünambeahindi nendi-mayu ranai ahambo seninambo hüputüpurisherü mbura 1,000 himbani hiniŋgimariri. ³Raniyu ai ahambo hifambe ragu haniweimbi-mayo ranambe pirira mahanu. Nafitambe pare mbura kinambo kikire papiramündü yowanimo hiniŋgimareandi. Rananimbo ai muŋguambo hifihündi ranaheimbo ŋgiri wosihoafori hoafindundüri. Ahambo refi hiniŋgifiyuani nüŋgumbo 1,000 himbani muŋguyo-ambeanimbo tükündüfi akidou yangiri nüŋgumbui.

⁴Raniyo asu bogori nindou-yafe nimarimbo fondi ranai burimayowa hoeimariheandi. Fondi raniwami mamarimo-memo ranahamumbo yiboboferambo ŋginindi masagapuri. Asu asukai sapo nindou Sisasimbo asu Godindi hoafi ranahambo anihondumbo wataporimborihü marihündi ranimbo mbiro kibodiri-marandüri ranahei yifiafi hoeimariheandi. Asu aiana nimambeahindi ninihondi-mayo ranahambo ahandi sisami kameihi moai ŋgusüfo parihindi. Ahei giribodi hamindühi asu warihü nimambeahindi ninihondindi ndüri moai paiaro, ŋga wani. Ai yangiri tüküyahi bogori nindoumboyahi Krai-babidi muŋgu-moatükuni 1,000 himbanambe hifandimarihündi. ⁵Nindou amuri yifimaye ana moai yangiramboyahi tüküyahindi, ŋga ai randihi yifi yagodei ŋgeimbo

1,000 himbani muṅguyo-ambe-animbo tükündahimboyei. Ranana weaṅguruhi yifihüdi botife-ane. ⁶Nindou didiyei ai sapo weaṅguruhi yifiyeimbi botife si ranambe botiyahindeimbi ana ai hihifi-hihifimbeyei-amboane. Ai Godindi yaṅgir-anei. Asukai yimbu noufimbi yifi ranai ana ṅgiri nindou ranaheimbo hifinambo-ndearü. Ai Godimbo asu Kra isimbo didibafife-rambo nindoumbondahi nimboeimboyei. Rananimbo ai Kra isimbo nimboeimbo 1,000 himbani aho ranambe muṅgu moatükuni ra hibadihümboyei.

Satan ai muṅguna moaruwai-mboefiyu

⁷Süṅgunambo 1,000 himbani ra muṅguyo-ambe-animbo Satanindi karabus wori yipuri ranai sübüdigodoani asu ai moanambühi tükündüfimbui. ⁸Asu rananimbo ai muṅguambo hifihü nindou buriyei wakarihindi ranaheimbo wosihoafari hoafiyondürimbo hoahoṅgu wakindeambui. Hifi ra ahandi ndüri Gok asu Magok-ane. Rananimbo Satan ai aheimbo muṅguambo yifiarimbohünda ndemündündüri mamühi guguründerümbui. Nindou afindi safi ranai ana moani siriwara hoe-kimi gudikikiri nahurai aniboadei. ⁹Raniyei asu ai muṅguambo hifi ranihü hei Godindi nindou ser worambe aniboadei asu adükari ṅgoafi God ai hohoanimoyu wakimareandi ranaheimbo waki-marihindüri. Raniyo asu sünambeahindi hai ranai kosiwohüyo nindou ranaheimbo hainambo tikirimarandüri. ¹⁰Satan ai nindou ranaheimbo wosihoafari hoafimayundüri ranimboyu asu God ai ahambo wafusüriho hai sarfa nimoeifihü mahoro ranambe pirira mahanu. Nimambeahindi ninihondi asu Godindi hoafi tikai hoafiyu-randeimbi nindou amboani haiambe manimbafani. Rananimbo ai muṅguambo nimbi si aho ra koadürümbo-koadürümbo asübusimbondimo pindimöndu ṅgomboemo.

Yibobofe si tüküme Feyo

¹¹Raniyo asu himboyahünda adükari bogorindi nimari-fondi kifohi ranai ṅṅgwohüyo asu raniwami nindou mami ai mamaruwa hoeimarihini. Raniyo asu ai nimarü-ambe ra hifi sünü ranai awarihoehüyo asu moai asukaiyo hoeifeyo. ¹²Raniyahi asu himboyahünda yifiyeimbi nindou ndüreimbi asu ndürü-koateimbi ranai bogorindi nimari-fondi haṅgifoani burimayeiya hoeimariheandüri. Raniyo asu buk bidifiri ranai boare haya kurümayo. Asu yaṅgiri ṅṅgombo buk amboani boare haya meṅgoro. Raniyo asu yifiyeimbi nindou burimaye ranaheimbo nine-moatükuni ramarihinda sapo buk kurümayo ranambe sürü pefemarandi rani simogodühi aheimbo papi-hoafi ranai tüküme Feyondüri. ¹³Raniyo asu muṅguambo siriwara-ambe yifiyei yaṅgoreimbi ranaheimbo siriwara ai hiniṅgi-mareandüri. Yifiyo-rambo hohoanimo asu yifiafi ṅgoafi ranambe yifiyeimbi nindou

kikihirihümündi animboei ranaheimbo munḡu hiniḡi-mareandüri. Raniyu asu nindou nimari-fondi-wami mamaru ranai nine-moatükuni ai ramarihindi rani-simogodühi aheimbo papi-hoafimarandüri. ¹⁴Raniyu Yifiyo-rambo asu Yifiafi Ŋgoafi ranahafembo haiambe pimareapira mahanife. Wafusüroho haiambe ranana sapo asükaiyo yimbombofe yifimbo moatükuni ranane. ¹⁵Nindou didiyei ahei ndüri sapo yangiri niḡombo buki-mayo ranambe paiari-koate-ayo ana, nindou ranaheimbo wafusüroho hai mahoro ranambe pimareandüra mahanei.

Hifi sünü simbori tükimefeyo

21 ¹Rani-moatükuni ranai refehaya-mboyowane, asu himboyahünda sünü hifi simbori ranai tükimefeyowa hoeimariheandi. Weaḡurühi sünü tüküfe hifi tüküfe-marandi ranai awarihoeihüyo asu siriwara amboani foeri-koate-mayo. ²Asu himboyahünda Godindi ḡoafi simbori Serusarem ranai, sapo nimorehi anamindühifembo ahandi anamindi rani-sowahi homboyaho haya rawefeyo nou yahurai refe-haya God sowahindi tüküfe makosowa hoeimariheandi. ³Bogorindi nimari-fondi-mayo ranambeahindi hoafi puküna hoafimayowa himborimayahi. Yare hoafiyowohü yahoya, “Himboriyei! Godindi wori hapoana nindou-babidimbo anaḡo! God ai nindou-babidimbo nüḡuhü asu ahandi nendi-ndeimboyei. God ai ahandihoari nindou rani-babidimbo anüḡu animbo asu ai ahei Godi-ndümbui. ⁴Ai nindou ranahei himboarambeahindi arani-himboaho gedüherümbui. Rananimbo yifimbo hohoanimo, asübusi, arani asu ḡgusüfo afindi kife hohoanimo ra ḡgiri tükündifeyo. Sapo ranana horombodidi moatükuni awarihoaimb-ane,” meho.

⁵Raniyo asu nindou fondi raniwami mamaru ranai hoafiyuhü yahuya “Haponda ro munḡuambo moatükuni simbori rariheandühanahi,” mehu. Asükai hoafiyundirühi yahuya, “Ndani hoafi ranahambo se sürü papindandi. Sapo hoafi nda ai anihondü hamind-ane, ḡga anihondümbondihindi,” mehu.

⁶Raniyu hoafiyundirühi yahuya, “Munḡuambo moatükuni ai tüküfemboane! Roana horombonipoed-anahi asu süḡunipoed-anahi, sapo weaḡurühidid-anahi asu bidifiranidid-anahi. Nindou düdi ai amindaniḡomboayu ana, nindou ranahambo ro yangiri niḡoweimbi harihoe forihoeimbi nindou ranahambo moani ndahandoani ndümündümbui asu kakinambo semindi-koate ndahandomboyahi. ⁷Nindou düdi ai yifiarambeahindi titaboarifoare harihoei tükefiyu ana, ai wandi-mayo moani sai moatükuni ra ndemündümbui. Rananimbo asu ro ahandi Godi-ndahani ai wandi nimorindümbui. ⁸ḡga asu nindou didei yihimbo-sisiriya-hihündeimbi, anihondümbome-koateyei rihündeimbi, moaruwai hamindi ratüpuriyei rihündeimbi, nindou hifokoarihi-

rihündeimbi, nimorehi sisihimoyomo-rundeimbi, nindowenihi birabiriyei rihündeimbi, tibagiru-rundeimbi, tikai godimbo hohoanimo parihi-rihündeimbi, wosihoafari hoafiyei rihündeimbi ahei niŋgofondi ranana, wafusiroho hai asu hai sarfa nimoei apoarambe ahoro ranihü yagodimboe. Ranana yimbu-noufimbi yifimbo moatükuni-ane,” mehu.

Simbori Serusarem ŋgoafi

⁹Sünambeahindi nendi dis 7 waramberündimo-ndeimbi ranahandambo mami-mayu ranai wambo-so Godindi hürütü moendifembohünda moaruwai hamindi moatükuni foafusüfiyuani tüküfimbi-mayo ra semündü haya makusu. Ai hoafiyundirühi yahuya, “Se sinif-animbo ro nimorehi anamindühifembo aniŋgo Sipsip Nimorindi nimoreh ra nafuinda-haninimboyahi,” mehundiri. ¹⁰Raniyo asu wandi fiambe Yifiafi Aboedi ranai ŋginindi tüküfendirühüyahi asu sünambeahindi nendi ranai wambo semündündiri hifi wafu nimoamo hamindi raniwami mahafu. Raniyu asu ai wambo Serusarem ŋgoafi adükari sünambe God sowahindi makoso ranahambo nafui-mayundiri. ¹¹Raniyo asu Godindi himboamupuimbo-randeimbi ranai si boakimafoareandi. Asu ŋgoafi ranai sapo sürühoeimbi sopsa nimoei kaki afindifihii semindimbo rahuraiyo moani himboarambe foriforihoeimbi hamindi-mayo.

¹²Ŋgoafi adükari ranai papi nimoamo hamindiyo 12 nafitambe kemindi hiniŋgimefeyo. Raniyo asu 12 sünambeahindi nendi ranai nafitambe ranahambo warani-ründümo houmbo hifandimarundi. Nafitambe ranihihi Israer-yafe 12 siri ranahei ndüri ra papimayo. ¹³Nafitambe ranai gorügoanini-gorügoaninire burimayo. Ŋgimi ranai hüfihamindi süfuani niŋgomo, ŋgimi himborani niŋgomo, ŋgimi ranai rahanini himborani niŋgomo asu ŋgimi hüfihamindi hafuani niŋgomo marundi. ¹⁴Adükari ŋgoafi ranahandi papi ranana 12 ŋginindi nimoeinambo ndihi ragu samboefimbiyo. Raniyo asu mamami raniwami Sipsip Nimorindi hoafi sowandümo homo-rundeimbi 12-yomondi ndüri ranai papimayo.

¹⁵Sapo sünambeahindi nendi horombo wambo wataporimbo-marandiri-mayu ranai gorinambo nafiyoweimbi-hündi simoŋgorife nimihari ranambo adükari ŋgoafi nafitambe asu papi ra simoŋgori-fembohünda semündü haya manüŋgu. ¹⁶Adükari ŋgoafi ranana muŋguambo himbori ra moani simogodapo hamindiyo. Raniyu asu sünambeahindi nendi ranai simoŋgori nimihari masemündu ranambo simoŋgo-reandane, ŋgoafi afindi-kokoeaiyo ahandi ra 2,200 kiromita tükümeefeyo. Raniyo asu ahandi simoŋgori hoandari mahafo, himbori yimbu mahafe ranai moani simogodapo hoandari-mayo. ¹⁷Asu papi nimoamo ranahambo amboani simoŋgo-reandane, mami 65 mita tükümeefeyo. Rani simoŋgori ranana moani nindou simoŋgoru-rundeimbiyo sünambeahindi nendi-mayu ranai simoŋgorimareandi.

18 Ɔgoafi ranahandi papi ranana hamburi asu yanggiri saspā nimoeinambo papiyoweimbiyo. Ɔga ngoafi ranana moani gor sūruhoembi yanggir-ane nafiyoeweimbiyo manango. 19 Adūkari ngoafi ranana hifini ndihi God ai muᅅguambo mamikarambo nimoei kaki afindifihi semūndūmbi-namboyo kore hiniᅅgimareandi. Weaᅅgurūhi korimefeyo ranana hamburi asu yanggiri saspā nimoeiyo, rani-kimi asūdabombū sapaia nimoeiyo, rani-kimi kifohi aget nimoeiyo, rani-kimi yanggirasūfo emerar nimoeiyo. 20 Asu rani-kimi hamburi kikire kifohi kikire-randeimbi sadonikis nimoeiyo. Rani-kimi konirian nimoeiyo, rani-kimi krisorait nimoeiyo, asu rani-kimi ᅅgorū-poanimbo yanggirasūfo berir nimoeiyo, rani-kimi aᅅsūhisafūmbi topas nimoeiyo, rani-kimi krisopres nimoeiyo yanggirasūfoyo aᅅsūhisafūmbiyo-randeimbi. Asu rani-kimi asūdabombū haiasin nimoeiyo, bidifiranambo ana hamburi ametis nimoeiyo. 21 Nafitambe 12 ranana sapo 12 kifohi mbisihondiyo. Muᅅguambo yipuri nafitambe ra mbisihondi mami-namboyo nafiyo hiniᅅgimefeyo. Ɔgoafi ranahandi muᅅguambo nafi ranana gor hondūnambo nafiyoeweimbiyo hayamboyo hoehimbo nahurai-mayo.

22 Ro moai Godimbo hohoanimoyondo-rambo wori fondarowa hoeriheandi. Sapo Adūkari God Muᅅguambo Ɔᅅinindembi-mayu ranaiyu asu Sipsip Nimori ai ngoafi ranahandi Godimbo hohoanimoyo-rambo worimefani. 23 Ɔgoafi raniwami hūfihamindi amoamo ahafandi si ra ᅅgiri boakiboadineandi sapo Godindi himboamupuimbo-randeimbi si ranai ngoafi raniwami boakimafoareandi ranimbo-wambo. Asu Sipsip Nimori ranai-ani ngoafi ranahandi ram hai nou-ayu. 24 Rananimbo muᅅguambo hifihūndi ranai ngoafi ranahandi si rani-sūᅅᅅu ᅅgeihū, asu muᅅguambo hifihūndi bogori ranai ahamundi ᅅᅅinindi napo ra ranihū ndowandūmo tūkūndafumboemo. 25 Muᅅguambo si aho ra nafitambe ranai ᅅgiri pande niᅅᅅo, ᅅga sūbūdihoai yagodi ᅅᅅomboe. Sapo rani-simboani ana ᅅgiri nimbi ranai yagodo. 26 Asu ngoafi adūkari ranambe muᅅguambo hifihūndi-yafe yihuru asu aboedi napo ᅅᅅinindi ra ndemūndūndūri keboemboe. 27 Ɔga nine-moatūkuni moaruwai-ayo, asu yikoarifo hohoanimoyo-randeimbi asu wosihoafori hoafiyo-randeimbi, muᅅguambo ranana ᅅgiri ngoafi ranambe keboehi ᅅᅅei. Sapo Sipsip Nimorindi koadūrūmbo niᅅᅅombo buki-mayo ranambe ahei ndūri pamareandūri ai-yanᅅᅅiranimboke-boehi ᅅᅅūsimboyei.

Yanggiri niᅅᅅombo hoe asu nimi

22 1-2 Raniyu asu sūnambeahindi nendi-mayu ranai hoe afindi yanggiri niᅅᅅombo nimindi ra wambo nafuimayundiri. Hoe ra himboarambe mupui fori wakireandeimb-ane. Hoe ranana sapo God asu Sipsip Nimori ranahafandi nimari-fondi-mayo ranambeahindi tūkūfe hayamboyo ngoafi nafi bogori rani mbusūmondūhi mafoero ho. Asu

hoe rani himbori-kimi yanggiri ningombo nimi ranai ngorügoanini-
ngorügoanini burimayo. Nimi ranai mami himbanambe 12 hisiyowohü
asu moani mamami amoamo hisiyu arandi. Asu nimi ranahandi emündü
ranana muᅅguambo hifihündi ranaheimbo aboedambofendüri ramboane.
³Asu nine-moatükuni God ai ranahambo moaruwai-ane ehü ranana ᅅgiri
ᅅgoafi ranambe yagodo. Iᅅga God asu Sipsip Nimori ahafandi adükari
bogorindi nimari-fondi rani yanggiri yagodoani asu Godindi ratüpurিয়ে
rihündeimbi ai ahambo hohoanimondeihi ᅅgusüfo pandihorimboyei.
⁴Ranimbo asu ahandi ᅅgusumboari hoeindihi-mboyei asu ahandi
ndüri ra ahei giribodi hamindifihü sürü pande hiniᅅgindeambui. ⁵Asu
rananimbo ᅅgiri nimbi asükaindo tükündifeyo. Ranimbo-animbo
ᅅgiri ram asu hüfihamindi ranai si boakiboadeandi. Sapo Adükari
God ai-animbo ahei sindumbui. Asu nindou ranai adükari bogori
nindombondahi koadürümbo-koadürümbo hibadühi ᅅgeimboyei.

Sisas ai ᅅgiri amitata kudu

⁶Raniyu sünambeahindi nendi ai hoafiyundirühi yahuya, “Ndani
hoafi ndanana anihond-ane, ᅅga anihondümbo-mbirihindamboane. Iᅅga
Adükari God, sapo ahandi hoafi hoafiyomo rundeimbi ranahamumbo
ahandi Yifiafi masagapuri ranai ahandi sünambeahindi nendi
ranahamumbo koamarihepuri. Asu ai sapo Godindi ratüpurিয়ে ratüpurিয়ে-
rihündeimbi ranaheimbo nini-moatükuni nimai hamindi tükümandife
ranahambo nafuimbohünda koamarihepuri,” mehu.

⁷Sisas ai hoafiyuhü yahuya, “Awi himbori-yei! Ro ᅅgiri amitata
tükündaheandi. Nindou düdi ai buk ranambe süᅅgunambo tükifembo
hoafi sürü papi-mayo ranahambo himborিয়েeihi süᅅgurihi rihündeimbi-
mayei ranai ana hihifi-hihifimbeyei-amboane!” mehu.

⁸Ro Son rani-moatükuni ra himboriya hoeiriheamboanahi. Asu ro rani-
moatükuni ra himboriya hoeirihe raraorihü heheambo sünambeahindi
nendi wambo nafui-mayundiri ranahandi yiri-kimi piya nimarimbo
ndeara ahambo hohoanimo-yondowohü ᅅgusüfo pefimbo yanggirimayahi.
⁹Iᅅga asu ai wambo hoafiyundirühi yahuya, “Yowani, se refepoani!
Roana sapo sihafi mami ratüpurিয়ে rihoandeimbi wandaf-anahi. Asu
roana sapo sihafi apodoho wandafi-mami Godindi hoafi hoafiyomo-
rundeimbi-memo rananemo asu muᅅguambo nindou buk ndanambe
hoafi ᅅgoro ranahambo himborিয়েei mburihü rani-süᅅgurihindeimbi
ranahei wandaf-anahi. Iᅅga Godimbo-animbo hohoanimo-ndafindowohü
ᅅgusüfo pandiwori,” mehu.

¹⁰Asükai hoafiyundirühi yahuya, “Godindi süᅅgunambo tükifembo
buk ndanambe apaiaro ra se yowani dibonapifehi gabudife-poani.
God ai muᅅguambo rani-moatükuni ranahambo refemboayu ra
ndeara akimi tüküfembo yanggir-ane. ¹¹Ranimboane asu moaruwai

hohoanimoyu-randeimbi ranai moani moaruwai hohoanimo ranisungu-mbireand-amboane. Asu moaruwai hamindi hohoanimoyu-randeimbi ranai moaruwai hamindi hohoanimo sungu-mbireand-amboane. Asu mbumundi hohoanimoyu-randeimbi ranai mbumundi hohoanimo sungu-mbireand-amboane. Sürühoeimbi hohoanimo sungureandeimbi ranai sürühoeimbi hohoanimo sungu-mbireand-amboane,” mehu.

¹² Sisas ai yare hoafiyuhü yahuya, “Awi se himboriyei! Ro ngiri amitata tükündaheandi! Ro takini moatükuni ndahamindi tükündahe-amboyahi. Rananimbo düdi ai nini-moatükuniyo ramareandi rani-simogodühi ndeheamboyahi. ¹³ Roana horombonipoed-anahi asu sungunipoed-anahi. Ro weangurühidid-anahi asu bidifiranidid-anahi. Roana weangurühididi hondüyu asu süjudidi hondüya-rihandeimb-anahi

¹⁴ Nindou didiyei ahei hoeari-mayo ra boboerihünda aboedi simbori afisaho-koate tüküfeimbi-mayei ranai ana hihifi-hihifimbeyei-amboane. Aiana sapo yangiri niñgoweimbi nimi-mayo ranahandi hisi ra moani himbo-koate dagüdihi asu adükari ngoafi giniri yipuri nafitambe-mayo rani nafi keboehimboyei. ¹⁵ Nga asu moaruwai hamindi hohoanimoyeimbi nindou, tibagiru rundeimbi, nimorehi sisihimoyomoru-ndeimbi asu nindowenihi birabiriyei rihündeimbi, nindou hifokoarihi-rihündeimbi, tikai godimbo sungurihi-rihündeimbi, nindou wosihaofori hoafiyei rihündeimbi, ranai ana ngiri adükari ngoafi nafitambe-mayo rani-nafi keboehi ngüsü, nga ai moanambuhü nimboeimboyei.

¹⁶ Ro Sisas-anahi nda, wandi sünambeahindi nendi ranahamumbo koarari-heheapuri muñguambo moatükuni ranahambo wandi nendi ranaheimbo wataporimbo-yondürimbohünda. Roana sapo Defitindi amoao-mami ranahei sirihünd-anahi tüküyahe animboahi. Asu roana botiboti siambeahindi mupui-anahi,” mehu.

¹⁷ Yifiafi Aboedi ai Sipsip Nimorindi nimorehi rani-dibo hoafiyafehü safeya, “Se mborai sinifi,” masafe. Nindou düdi himborinduhü ana, hoafinduhü animboya, “Se mborai sinifi,” mbüsu. Nindou düdi ai amindaniñombonduhü ana, mbüsünü-wamboane. Nindou ai hoe simindimbo hohoanimoayu ana, ai sünü yangiri niñgoweimbi hoe ra moani mbüsümüdu-wamboane.

Son ai nindou buk ndanambeahindi hoafi himborayei ranaheimbo ahini hoafimayundüri

¹⁸ Muñguambo nindou ai Godindi hoafi sapo buk ndanambe engoro ranahambo himborayei ranaheimbo ahini hoafi nda ro Son-anahi asahandüri. Nindou düdi ai ahandi hoafi Godindi-mayo hoafi ranifihi pare haya hoafayu ana, God ai ahambo nine moaruwai moatükuni ai buk ndanambe refembo hoafimayu ra ahambo randeambui. ¹⁹ Asu nindou

düdi ai bidifiri hoafi buk ndanambe raguamambo-areandi ana, God ai nindou ranahambo randirani asu ngiri sapo yangiri ningombo nimi hisimayo ra dedu. Asu ngiri Godindi adükari ngoafi buk nda ranahambo watorimbo-marandi ranambe nungu.

²⁰Nindou mungu moatükuni ranahambo anihondumbo hoafimayu ai hoafiyuhüya, “Ro ngiri amitata tükundaheandi,” mehu.

Anihond-ane. Adükari Sisas, se mborai.

²¹Adükari Sisas ai siheimbo munguambo moani hipoambo-mbireandür amboane.